

遼史



后妃傳第一

遼史七十一

元開府儀同三司上柱國前中書右丞相監修國史

總裁臣沈脫修

大明南京國子監祭酒臣張邦奇司業臣江汝璧奉

旨校刊

書始嬪虞詩興關雎國史記載往往自家而國以立天下之本然尊卑之分不可易也司馬遷列呂后于紀班固因之而傳元后於外戚之後范曄登后妃于帝紀天子紀年以叙事謂之紀后曷為而紀之自晉史列諸后以首傳隋唐以來莫之能易也遼因突厥稱皇后曰可敦國語謂之賦俚塞尊稱曰耨幹廢蓋以配后土而母之云太祖稱帝

尊祖母曰太皇太后母曰皇太后嬪曰皇后等以徽稱加
以美號質於隋唐文於故俗后族唯乙室拔里氏而世任
其國事太祖慕漢高皇帝故即律儼稱劉氏以乙室拔里
比蕭相國遂為蕭氏即律儼陳大任遼史后妃傳大同小
異酌取其當著于篇
蕭祖昭烈皇后蕭氏小字卓真歸蕭祖生四子見皇子表
乾統三年追尊昭烈皇后

懿祖莊敬皇后蕭氏小字牙里辛肅祖嘗過其家曰同姓
可結交異姓可結婚知為蕭氏為懿祖聘焉生男女七人
乾統三年追尊莊敬皇后

玄祖簡獻皇后蕭氏小字月里朶玄祖為狼德所害后發
居恐不免命四子往依鄰家即律臺押乃獲安太祖生后
以骨相異常懼有陰圖害者鞠之別帳重熙二十一年追
尊簡獻皇后

德祖宣簡皇后蕭氏小字巖母斤遙董氏宰相剔刺之女
男女六人太祖長子也天顯十一年崩祔德陵重熙二十
一年追尊宣簡皇后

大祖淳欽皇后述律氏諱平小字月理朶其先回鶻人糯
思生魏寧舍利魏寧生慎思梅里慎思生寧姑梅里姿姑
娶勻德愨王女生后于契丹右大部姿姑名月梳仕遙董

氏爲阿扎割只后簡重果斷有雄略嘗至遼土二河之會
有女子乘青牛車倉卒避路忽不見未幾童謠曰青牛姬
曾避路蓋諺謂地祇爲青牛姬云太祖即位群臣上尊號
曰地皇后神冊元年大冊加號應天大明地皇后行兵御
衆后嘗與謀太祖嘗渡磧擊党項黃頭臭泊二室常乘虛
襲之后知勒兵以待奮擊大破之名震諸夷時晉王李存
勗欲結援以叔母事后幽州劉守光遣韓延徽求援不拜
太祖怒留之使牧馬后曰守節不屈賢者也宜禮用之太
祖乃召延徽與語大悅以爲謀主吳主李昱獻猛火油以
水沃之愈熾太祖選三萬騎以攻幽州后曰豈有試讎而

攻人國者指帳前樹曰無皮可以生乎太祖曰不可后曰
幽州之有土有民亦由是耳吾以三千騎掠其四野不過
數年困而歸我矣何必爲此萬一不勝爲中國笑吾部落
不亦鮮體乎其平渤海后與有謀太祖崩后稱制攝軍國
事及葬欲以身殉親戚百官力諫因斷右腕納于柩太宗
即位尊爲皇太后會同初上尊號曰廣德至仁昭烈崇簡
應天太后初太祖嘗謂太宗必興我家后欲令皇太子倍
避之太祖冊信爲東丹王太祖崩太宗立東丹王避之唐
太后常屬意於少子李胡太宗崩世宗即位于鎮陽太后
怒遣李胡以兵逆擊李胡敗太后親率師遇于潢河之橫

渡賴耶律屋質諫罷兵遷太后于祖州應曆三年崩年七十五祔祖陵謚曰貞烈重熙二十一年更今謚

太宗靖安皇后蕭氏小字溫淳欽皇后柔室魯之女帝爲大元帥納爲妃生穆宗及即位立爲皇后性聰慧潔素先被寵顧雖重旅田獵必與天顯十年崩謚彰德葬奉陵重熙二十一年更今謚

世宗懷節皇后蕭氏小字撒葛只淳欽皇后弟阿古只之女帝爲永康王納之生景宗天祿末立爲皇后明年秋生萌古公主在守察割作亂弒太后及帝后乘步輦直詣察割請畢收殮明日遇害謚曰孝烈皇后重熙二十一年更今謚

世宗妃甄氏後唐宮人有姿色帝從太宗南征得之寵遇甚厚生寧主只沒及即位立爲皇后嚴明端重風神閑雅內治有法莫干以私劉知遠郭威稱帝世宗承強盛之資奄奄歲時后與參帷幄密贊大謀不果用察割作亂遇害景宗立葬二后于鑿巫間山建廟陵寢側穆宗皇后蕭氏父知璠內供奉翰林承旨后生有重氣禮郁父之幼有儀則帝居藩納爲妃及正位中宮性柔婉不能規正無子

景宗睿知皇后蕭氏諱綽小字燕燕北府宰相思溫女早慧思溫嘗觀諸女掃地惟后潔除喜曰此女必能成家帝

即位選為貴妃尋冊為皇后生聖宗景宗崩尊為皇太后攝國政后泣曰母皇子弱族屬雄強邊防未靖奈何耶律斜軫韓德讓進曰信任臣等何慮之有於是后與斜軫德讓參決大政委于越休哥以南邊事統和元年上尊號曰承天皇太后二十四年加上尊號曰睿德神略應運啓化承天皇太后二十七年崩謚曰聖神宣獻皇后重熙二十一年更今謚后明達治道聞善必從故群臣咸竭其中曾知軍政澶淵之役親御戎車指麾三軍賞罰信明將士用命聖宗稱遼盛主后教訓為多重熙中開聖宗仁德皇后蕭氏小字菩薩哥睿智皇后弟隗因之女

年十二美而才選入掖庭統和十九年冊為齊天皇后嘗以草廷為殿式密付有司令造清風天祥八方三殿既成益寵異所乘車置龍首鸞尾飾以黃金又造九龍輅諸子車以白金為浮圖各有巧思真秋從行山谷間花木如繡車服相錯人望之以為神仙生皇子二皆早卒開泰五年宮人耨斤生與宗后養為子帝大漸耨斤嘗后曰老物寵亦有既耶左右扶后出帝崩耨斤自立為皇太后是為欽哀皇后護衛馮家奴喜孫等希旨誣告北府宰相蕭從卜國舅蕭匹敵謀逆詔令鞠治連及后興宗聞之曰皇后侍先帝四十年撫育眇躬當為太后今不果反罪之可乎欽

哀曰此人若在恐爲後患帝曰皇后無子而老雖在無能爲也欽哀不從遷后于上京車駕春蒐欽哀慮帝懷鞠育之恩馳遣人加害使至后曰我實無辜天下共知卿待我浴而後就死可乎使者退比反后已崩年五十是日若有見后于木葉山陰者乘青蓋車從甚嚴追尊仁德皇后與欽哀並祔慶陵

聖宗欽哀皇后蕭氏小字耨斤淳欽皇后弟阿古只五世孫黜面狠視毋嘗夢金柱擎天諸子欲上不能后後至與僕從皆陞異之以之入宮嘗拂承天太后榻獲金鷄吞之膚色光澤勝常太后驚異曰是必有奇子已而生興宗仁

德皇后無子取而養之如已出后以興宗侍仁德皇后謹不悅聖宗崩令馮家奴等誣仁德皇后與蕭泥卜蕭匹敵等謀亂從上京害之自立爲皇太后攝政以生辰爲應聖節重熙元年尊爲仁慈聖善欽孝廣德安靖貞純寬厚崇覺儀天皇太后二年后陰召諸弟議欲立少子重元重元以所謀白帝帝收太后符璽遷于慶州七括宮六年秋帝悔之親馭奉迎侍養益孝謹后常不懼帝崩殊無戚容見崇聖皇后悲泣如禮謂曰汝年尚幼何哀痛如是清寧初尊爲太皇太后崩謚曰欽哀皇后后初攝政追封曾祖爲蘭陵郡王父爲齊國王諸弟皆王之雖漢五侯無以過

興宗仁懿皇后蕭氏小字撻里欽哀皇后弟孝穆之長女性寬容姿貌端麗帝即位入宮生道宗重熙四年立為皇后二十三年號貞懿慈和文惠孝敬庶愛崇聖皇后道宗即位尊為皇太后清寧二年上尊號曰慈懿仁和文惠孝敬廣愛宗天皇太后九年秋敦睦宮使耶律良以重元與其子涅魯古反狀密告太后乃言于帝帝疑之太后曰此社稷大事宜早為計帝始戒嚴及戰太后親督衛士破逆黨太康二年崩謚仁懿皇后仁慈淑謹中外感德凡正旦生辰諸國貢幣悉賜貧瘡嘗夢重元曰臣骨在太子山北不勝寒凍寤即命屋之慈憫類此

興宗貴妃蕭氏小字三嬀駙馬都尉匹里之女選入東宮帝即位立為皇后重熙初以罪降貴妃

道宗宣懿皇后蕭氏小字觀音欽哀皇后弟樞密使惠之女姿容冠絕工詩善談論自制歌詞尤善琵琶重熙中帝王燕趙納為妃清寧初立為懿德皇后皇太叔重元妻以艷冶自矜后見之戒曰為貴家婦何必如此后生太子濬有專房寵好音樂伶官趙惟一得侍左右太康初宮婢單登教坊朱頂鶴誣后與惟一私樞密使耶律乙辛以聞詔乙辛與張孝傑劾狀因而實之族誅惟一賜后自盡歸其尸於家乾統初追謚宣懿皇后合葬慶陵

道宗惠妃蕭氏小字坦思駙馬都尉霞抹之妹大康二年
乙辛譽之選入掖庭立為皇后居數歲未見皇嗣后妹幹
特懶先嫁乙辛子綏也后以宜子言于帝離婚納宮中八
年皇孫延禧封梁王降為惠妃徙乾陵幹特懶還其家頃
之其母燕國夫人厭魅梁王伏誅貶妃為庶人幽于宜州
諸弟没入興聖宮天慶六年召還封太皇太妃後二年奔
黑頂山卒葬太子山

天祚皇后蕭氏小字奪里懶宰相繼先五世孫大安三年
入宮明年封燕國王妃乾統初冊為皇后性閑淑有儀則
兄弟奉先保先等緣后寵柄任女直亂從天祚西狩以疾

崩

天祚德妃蕭氏小字師姑北府宰相常哥之女壽隆二年
入宮封燕國妃生子撻魯乾統三年改德妃以柴冊禮封
撻魯為燕國王加妃號贊翼王薨以哀戚卒

天祚文妃蕭氏小字瑟瑟國舅大父房之女乾統初帝幸
耶律撻葛第見而悅之匿宮中數月皇太叔和魯幹勸帝
以禮選納三年冬立為文妃生蜀國公主晉王敖廬幹尤
被寵幸以柴冊加號承翼善歌詩女直亂作日見侵迫帝
畋遊不恤忠臣多被踈斥妃作歌諷諫其詞曰勿嗟塞上
兮暗紅塵勿傷多難兮畏夷人不如塞姦邪之路兮選取

賢臣直須卧薪嘗膽兮激壯士之捐身可以朝清漢北兮
夕枕燕雲又歌曰丞相來朝兮劍佩鳴千官側目兮寂無
聲養成外患兮嗟何及禍盡忠臣兮罰不明親戚並居兮
藩屏位私門替畜兮爪牙兵可憐往代兮秦天子猶向宮
中兮望太平天祚見而銜之播遷以來郡縣所失幾半上
頗有倦勤之意諸皇子敖虐幹最賢素有人望元后兄蕭
奉先深忌之誣南軍都統余覩謀立晉王以妃與聞賜死
天祚元妃蕭氏小字貴哥燕國妃之妹年十七冊爲元妃
性沉靜嘗晝寢近侍盜貂裯妃覺而不言宮掖稱其寬厚
從天祚西狩以疾薨

論曰遼以鞍馬爲家后妃往往長於射御軍旅田獵未嘗
不從如應天之奮擊室韋承天之御戎瀛淵仁懿之親破
重元古所未有亦其俗也靖安無毀無譽齊天巧思乃奢
侈之漸宣懿度曲知音豈致誣蔽之階乎文妃能歌詩諷
諫而謂謀私其子非矣若簡憲之艱危保孤懷節之從容
就義雖烈丈夫何以過之欽哀狠桀賊殺嫡后而興宗不
能防閑其母惜哉

后妃傳第一

嘉靖八年刊

卷一



编码错误

应“遼史七十二”

口倍諫曰今始得地而料民民必不安若乘破竹之勢徑造忽汗城克之必矣太祖從之倍與大元帥德光爲前鋒夜圍忽汗城大譟窮虜降尋復叛太祖破之改其國曰東丹名其城曰天福以倍爲人皇王主之仍賜天子冠服建元甘露稱制置左右太次四相及百官一用漢法歲貢布十五萬端馬千匹上諭曰此地瀕海非可久居留汝撫治以見朕愛民之心駕將還倍作歌以獻陛辭太祖曰得汝治東土吾復何憂倍號泣而出遂如儀坤州未幾諸部多叛大元帥討平之太祖計至倍即日奔赴山陵倍知皇太后意欲立德光乃謂公卿曰大元帥功德及人神中

殊攸屬宜主社稷乃與群臣請於太后而讓位焉於是大元帥即皇帝位是爲太宗太宗旣立見疑以東平爲南京徙倍居之盡遷其民又置衛士陰伺動靜倍旣歸國命王繼遠撰建南京碑起書樓于西宮作樂田園詩唐明宗聞之遣人跨海持書密召倍倍因畋海上使再至倍謂左右曰我以天下讓主上今反見疑不如適他國以成吳太伯之名立木海上刻詩曰小山壓大山大山全無力羞見故鄉人從此投外國携高美人載書浮海而去唐以天子儀衛迎倍倍坐船殿衆官陪列上壽至汴見明宗明宗以莊宗后夏氏妻之賜姓東丹名之曰慕華改瑞州爲懷化軍

拜懷化軍節度使瑞慎等州觀察使復賜姓李名贊垂移
鎮滑州遙領虔州節度使倍雖在異國常思其親問安之
使不絕後明宗養子從珂弒其君自立倍密報太宗曰從
珂弒君盍討之及太宗立石敬瑭為晉主加兵于洛從珂
欲自焚召倍與俱倍不從遣壯士李彥紳害之時年三十
八有一僧為收瘞之敬瑭入洛喪服臨哭以王禮權厝後
太宗改葬于鑿巫間山謚曰文武元皇王世宗即位謚讓
國皇帝陵曰顯陵統和中更謚文獻重熙二十年增謚文
獻欽義皇帝廟號義宗及謚二后曰端順曰柔貞倍初市
書羣萬卷藏于鑿巫間絕頂之望海堂通陰陽知音律精

醫藥破病之術工遼漢文章嘗譯陰符經善書本國人物
如射騎獵雪騎千鹿圖皆入宋秘府然性刻急好殺婢妾
微過常加剗灼夏氏懼而求削髮為尼五子長世宗次曼
國稍隆先道隱各有傳

平王隆先字團隱母大氏景宗即位始封平王未幾兼政
事令留守東京薄賦稅省刑獄恤鰥寡數薦賢能之士後
與統軍耶律室魯同討高麗有功還薨葬鑿巫間山之道
隱谷平王為人聰明博學能詩有閨苑集行于世保寧之
季其子陳哥與渤海官屬謀殺其父舉兵作亂上命輟裂
于市

晉王道隱字留隱母高氏道隱生于唐人皇王遭李從珂之害時年尚幼洛陽僧匿而養之因名道隱太宗滅唐還京詔賜外羅山地居焉性沉靜有文武才時人稱之景宗即位封蜀王爲上京留守乾亨元年遷守南京號令嚴肅民獲安業居數年徙封荆王統和初病薨追封晉王論曰自古新造之國一傳而太子讓豈易得哉遼之義宗可謂盛矣然讓而見疑豈不兆於建元稱制之際乎斯則一時君臣昧於禮制之過也東書浮海寄跡他國思親不忘問安不絕其心甚有足諒者焉觀其始慕泰伯之賢而爲遠適之謀終疾陳恒之惡而有請討之舉志趣之卓蓋

已見於早歲先祀孔子之言歟善不令終天道難詰得非性刻嗜殺之所致也雖然終遼之代賢聖繼統皆其子孫至德之報昭然在茲矣

章肅皇帝小字李胡一名洪古字奚隱太子第三子母淳欽皇后蕭氏少勇悍多力而性殘酷小怒輒黥人面或投水火中太祖嘗觀諸子寢李胡縮項卧內曰是必在諸子下又嘗大寒命三子採薪太宗不擇而取最先至人皇王取其乾者束而歸後至李胡取少而棄多旣至袖手而立太祖曰長巧而次成少不及矣而母篤愛李胡天顯五年遣徐地代北攻寰州多俘而還遂立爲皇太弟兼天下兵

馬太元帥太宗親征常留守京師世宗即位鎮陽太后怒遣李胡將兵擊之至泰德泉爲安端留哥所敗太后與世宗隔濱河而陣各言舉兵意即律屋質入諫太后曰主上已立宜許之時李胡在側作色曰我在元欲安得立屋質曰柰公酷暴失人心何太后顧李胡曰昔我與太祖愛汝異於諸子諺云偏憐之子不保業難得之婦不主家我非不欲立汝汝自不能矣及會議世宗使解劍而言和約既定趨上京會有告李胡與太后謀廢立者徙李胡祖州禁其出入穆宗時其子喜隱謀反辭遠李胡囚之死獄中年五十葬玉峯山西谷統和中追謚欽順皇帝重熙二十一年更謚章肅后曰和敬二子宋王喜隱衛王完

喜隱字完德雄偉善騎射封趙王應中謀反事覺上臨問有狀以親釋之未幾復反下獄景宗即位聞有赦自去其械而朝上怒曰汝罪人何得擅離禁所詔誅守者復置于獄及改元保寧乃宥之妻以皇后之姊復爵王宋喜隱輕德無恒小得志即驕上嘗召不時上怒而鞭之由是憤怨謀亂貶而復召適見上與劉繼元責辭意卑遜諫曰本朝於漢爲祖書旨如此恐虧國體帝尋改之授西南而招討使命之河東索吐蕃戶稍見進用後誘羣小謀叛上命械其手足築園上囚祖州宋降卒二日餘人欲劫之喜隱

以城堅不得入立其子留禮壽上京守除室擒之留禮
壽伏誅賜喜隱死

論曰李胡殘酷驕盈太祖知其不才一而不能教太后不知
其惡而溺愛之初以屋質之言定立世宗而復謀廢立子
孫繼以逆誅并及其身可哀也已夫曰太祖之世刺葛安
端首倡禍亂太祖既不之誅又復用之固為有君人之量
然惟太祖之才足以駕馭庶乎其可也李胡而下宗王反
側無代無之遼之內難與國始終厥後嗣君雖嚴法以緝
之卒不可止烏虜創業垂統之主所以貽厥孫謀者可不
審歟

順宗名濬小字耶魯幹道宗長子母宣懿皇后蕭氏幼而
能言好學知書道宗嘗曰此子聰慧殆天授歟六歲封梁
王明年從上獵矢連發三中上顧左右曰朕祖宗以來騎
射絕人威震天下是兒雖幼不墜其風後遇十鹿射獲其
九帝喜詔宴八歲立為皇太子大康元年兼領北南樞密
院事及母后被害太子有憂色耶律乙辛為北院樞密使
常不自安會護衛蕭忽古謀害乙辛事覺下獄副點檢蕭
十三謂乙辛曰臣民心屬太子公非闕閱一日若立吾輩
措身何地廼與同知北院宣徽事蕭特裏特謀構陷太子
陰令護尉太保耶律查刺誣告都宮使耶律撒刺知院耶

律速撒護衛蕭忽古謀廢立詔案無迹不治乙辛復令牌
印即君蕭訛都幹等言查刺前告非妄臣實與謀欲殺耶
律乙辛等然後立太子臣若不言恐事發連坐帝信之幽
太子于別室以耶律燕哥鞠案太子具陳枉狀曰吾為儲
副尚何所求公當為我辨之燕哥乃乙辛之黨易其言為
款伏上大怒廢太子為庶人將出曰我何罪至是十三叱
登車遣衛士闔其扉徙于上京囚園堵中乙辛尋遣達魯
古撒八往害之太子年方二十上京留守蕭撻得給以疾
薨聞上哀之命有司葬龍門山欲召其妃乙辛陰遣人殺
之州後知其冤悔恨無及謚曰昭懷太子以天子禮改葬

玉峯山乾統初追尊大孝順聖皇帝廟號順宗妃蕭氏貞
順皇后一子延禧即天祚皇帝

論曰道宗知太子之賢而不能辨乙辛之詐竟絕父子之
親為萬世惜乙辛知為一身之計不知有君臣之義豈復
知有太子乎姦邪之臣亂人家國如此可不戒哉可不戒
哉

晉王小字敖盧幹天祚皇帝長子母曰文妃蕭氏甫髻就
馳馬善射出為大丞相耶律隆運後封晉王性樂道人善
而矜人不能時宮中見讀書者輒斥敖盧幹嘗入寢殿見
小底茶刺闕書因取觀會諸王至陰袖而歸之曰勿令他

人見也一時號稱長者及長積有人望內外歸心保大元
年南軍都統耶律余覲與其母文妃密謀立之事覺余覲
降金文妃伏誅敖盧幹實不與謀免二年耶律撒八等復
謀立不克上知敖盧幹得人心不忍加誅令縊殺之或勸
之亡敖盧幹曰安忍為篡爾之軀而失臣子之大節遂就
死聞者傷之

宗室傳第二

列傳第三

遼史七十三

元開府儀同三司上柱國前中書右丞相監修國史
都總裁臣脫脫修

耶律曷魯字控溫一字洪隱迭刺部人祖匣馬葛簡憲皇
帝兄父偶思遙輩時為本部夷裔曷魯其長子也性質
厚在髫髻與太祖遊從父釋魯奇之曰與我家者必二兒
也太祖既長相與易裘馬為好然曷魯事太祖彌謹會滑
哥弒其父釋魯太祖顧曷魯曰滑哥弒父料我必不能容
將反噬我今彼歸罪臺哂為解我姑與之是賊吾不忘也
自是曷魯常佩刀從太祖以備不虞居久之曷魯父偶思

病召曷魯曰阿保機神略天授汝率諸弟赤心事之已而
太祖來問疾偶思執其手曰爾命世奇才吾兒曷魯者他
日可委以事吾已諭之矣既而以諸子屬之太祖為捷馬
殺沙里參預部族事曷魯領數騎召小黃室韋來附太祖
素有大志而知曷魯賢軍國事非曷魯議不行會討越兀
與烏古部曷魯為前鋒戰有功及太祖為迭刺部夷曷董
討奚部其長木里偪險而壘攻莫能下命曷魯持一笥往
諭之既入為所執廼說奚曰契丹與奚言語相通實一國
也我夷曷董於奚豈有較轢之心哉漢人殺我祖奚首夷
曷董怨次骨日夜思報漢人顧力弱使我求援方奚傳

矢以示信耳夷曷董受命於天撫下以德故能有此衆也
今奚殺我違天背德不祥莫大焉且兵連禍結當自此始
豈爾國之利乎木里感其言乃降太祖為于越秉國政欲
命曷魯為迭刺部夷曷董辭曰賊在君側未敢遠去太祖
討黑車子室韋幽州劉仁恭遣養子趙霸率衆來救曷魯
伏兵桃山俟霸衆過半而要之與太祖合擊斬獲甚衆遂
降室韋太祖會李克用于雲州時曷魯侍克用顧而壯之
曰偉男子為誰太祖曰吾族曷魯也會遙輦痕德董可汗
歿群臣奉遺命請立太祖太祖辭曰昔吾祖夷曷董雅里
嘗以不當立而辭今若等復為是言何歟曷魯進曰曷魯

祖之辭遺命弗及符瑞未見第爲國人所推戴耳今先君
言猶在耳天人所與若合符契天不可逆人不可拂而君
命不可違也太祖曰遺命固然汝焉知天道曷魯曰聞于
越之生也神光屬天異香盈幄夢受神誨龍錫金佩天道
無私必應有德我國削弱齟齬於隣部日久以故生聖人
以興起之可汗知天意故有是命且遙輦九營幕布非無
可立者小大臣民屬心于越天也昔者于越伯父釋魯嘗
曰吾猶蛇兒猶龍也天時人事幾不可失太祖猶未許是
夜獨召曷魯責曰衆以遺命迫我汝不明吾心而亦俛隨
耶曷魯曰在昔夷國董雅里雖推戴者衆辭之而立阻午

爲可汗相傳十餘世君臣之分亂紀綱之統隳委質他國
若綴旒然羽檄遙午民疲奔命與王之運實在今日應天
順人以答顧命不可失也太祖乃許明日即皇帝位命曷
魯總軍國事時制度未講國用未克肅從未備而諸弟刺
葛等往往覬非望太祖宦行營始置晦心部選諸部豪健
二千餘克之以曷魯及蕭敵魯總焉尸而諸弟之亂作太
祖命曷魯總領軍事討平之以功爲洪刺部夷裔董時民
更兵焚剽日以抗敵曷魯撫輯有方益牧益滋民用富庶
乃討烏古部破之自是震懾不敢復叛迺請制朝儀建元
率百官上尊號太祖既備禮受冊拜曷魯爲阿魯敦于越

阿魯敦者遼言盛名也後太祖伐西南諸夷數為前鋒神冊二年從逼幽州與唐節度使周德威拒戰可汗州西敗其軍遂圍幽州未下太祖以時暑班師留曷魯與盧國用守之俄而救兵繼至曷魯等以軍少無援退三年七月皇都既成燕群臣以落之曷魯是日得疾薨年四十七既葬賜名其阡宴答山曰于越峪詔立石紀功清寧間命立祠上京初曷魯病革太祖臨視問所欲言曷魯曰陛下聖德寬仁群生成遂帝業隆興臣既蒙寵渥雖瞑目無憾惟祈迭刺部議未決願亟行之及薨太祖流涕曰斯人若登三五載吾謀蔑不濟矣後太祖二十一功臣各有所擬以曷魯為心云子惕刺撒刺俱不仕

論曰曷魯以肺腑之親任帷幄之寄言如著龜謀成戰勝可謂筭無遺策矣其君臣相得之誠庶與漢之於光武歟夫信其所可信智也太祖有焉故曰惟聖知聖惟賢知賢斯近之矣

蕭敵魯字敵輦其母為德祖女弟而淳欽皇后又其女兄也五世祖曰胡毋里遙輦氏時嘗使唐唐留之幽州一夕折關遁歸國由是世為決獄官敵魯性寬厚膂力絕人嘗軍旅事太祖落落日侍左右凡征討必與行陣既即位敵魯與弟阿古只耶律釋魯耶律曷魯皆總宿衛拜敵魯北

府宰相世其官太祖征奚及討劉守光敵魯略地海濱殺
獲甚衆頃之刺葛等作亂潰而北走敵魯率輕騎追之兼
晝夜行至榆河敗其黨獲刺葛以獻太祖嘉之錫賚甚溥
後討西南夷功居諸將先神冊三年十二月卒敵魯有膽
略聞敵所在即馳赴親冒矢石前後戰未嘗少衄必勝乃
止以故在太祖功臣列喻以手云弟阿古只

阿古只字撒本少卓越自放不羈長驍勇善射臨敵敢前
每射甲楯輒洞貫太祖為于越時以材勇充任使既即位
與敵魯總腹心部刺葛之亂也淳欽皇后軍黑山阻險自
國太祖方經略奚地命阿古只統百騎往衛之逆黨迭里

特耶律滑哥素憚其勇略相戒曰是不可犯也刺葛既北
走與敵魯追擒于榆河神冊初元討西南夷有功徇山西
諸郡縣又下之敗周德威軍三年以功拜北府宰相世其
職天贊初與王郁略地燕趙破磁窯鎮太祖西征悉誘以
南面邊事攻渤海破扶餘城獨將騎兵五百敗老相軍三
萬渤海既平敗東丹國頃之已降郡縣復叛盜賊蜂起阿
古只與康默記討之所向披靡會賊游騎七千自鴨綠府
來援勢張甚阿古只帥麾下精銳直犯其鋒一戰克之斬
敵二千餘遂進軍破回跋城以病卒功臣中喻阿古只為
耳云子安團官左右皮室詳穩

耶律斜涅赤字撒剌六院部舍利裏古直之族始字鐸益
早隸太祖幕下嘗有疾賜罇酒飲而愈遼言酒罇曰撒剌
故認易字焉太祖即位掌腹心部天贊初分迭剌部爲北
南院斜涅赤爲北院夷齊董帝西征至流沙威聲大振諸
夷潰散廼命斜涅赤撫集之及討渤海破扶餘城斜涅赤
從太子大元帥率衆夜圍忽汗城大誣譏降已而復叛命
諸將分地攻之詰旦斜涅赤感勵士伍鼓譟登陴敵震懼
莫敢禦遂破之天顯中卒年七十居佐命功臣之一姪老
舌頗德字古直老古字撒懶其母淳欽皇后姊也老古幼養宮掖旣長沉

毅有勇略隸太祖帳下旣即位屢有戰功刺葛之亂也欲
乘我不備爲掩襲計給降太祖將納之命老古耶律欲穩
嚴號令勒士卒控轡以防其變逆黨知有備懼而遁以功
授左皮室詳穩典宿衛太祖侵燕趙遇唐兵雲碧店老古
恃勇輕敵直犯其鋒戰久之被數創歸營而卒太祖深悼
惜之佐命功臣其一也

頗德字元古鄰弱冠事太祖天顯初爲左皮室詳穩典宿
衛遷南院夷齊董帝西征至流沙威聲大振諸
時頗德勒兵爲援敬達遁敬瑭追至晉安寨圍之頗德領
輕騎襲潞州塞其餉道唐諸將懼殺敬達以降會同初改

迭刺部夷离董爲大王即拜頗德旣而加採訪使舊制唐
祖以下宗室稱院德祖宗室號三父房稱橫帳百官子弟
及籍沒人稱著帳耶律斜的言橫帳班列不可與北南院
並太宗詔在廷議皆曰然乃詔橫帳班列居上頗德奏曰
臣伏見官制北南院大王品在惕隱上今橫帳始圖爵位
之高願與北南院參任茲又恥與同列夫橫帳與諸族皆
臣也班列奚以異帝乃諭百官曰朕所不知卿等不宜面
從詔仍舊制其殆直不撓如此頗德狀貌秀偉初太祖見
之曰是子風骨異常兒必爲國器後果然卒年四十九
耶律欲穩字轄刺于突呂不部人祖臺押遙輦時爲北

拔刺簡獻皇后與諸子之罹難也嘗倚之以免太祖思
功不忘又多欲穩嚴重有濟世志乃命與司近部以退諸
族窺覲之想欲穩旣見器重益感奮思報太祖始置宮分
以自衛欲穩率門客首附宮籍帝益嘉其忠詔以臺押配
享廟廷及平刺葛等亂以功遷奚迭刺部夷离董從征渤
海有功天顯初卒後諸帝以太祖之與欲穩也爲故往往
取其子孫爲友宮分中稱八房皆其後也弟霞里終奚六
部秀里

耶律海里字涅刺昆遙輦昭古可汗之裔太祖傳位海里
與有力焉初受命屬籍比局萌覲覲而遙輦故族瓦剌望

海里多完帝知人之明而素服太祖威德獨歸心焉以故
太祖託為耳目數從征討既清內亂始置遥輦啟穩命海
里領之天顯初征渤海海里將遥輦紮破忽汗城師般卒
海里子海里為文官令中書人易其姓名山東書院藏
海里子海里為文官令中書人易其姓名山東書院藏
海里子海里為文官令中書人易其姓名山東書院藏
海里子海里為文官令中書人易其姓名山東書院藏
海里子海里為文官令中書人易其姓名山東書院藏
海里子海里為文官令中書人易其姓名山東書院藏
海里子海里為文官令中書人易其姓名山東書院藏
海里子海里為文官令中書人易其姓名山東書院藏
海里子海里為文官令中書人易其姓名山東書院藏
海里子海里為文官令中書人易其姓名山東書院藏

列傳第四

遼史七十四

元開府儀同三司上柱國前中書右丞相監修國史
都總裁臣脫脫修

耶律敵刺字人魚隱遥輦鮮質可汗之子太祖踐阼與敵
穩海里同心輔政太祖知其忠實命掌禮儀且委以軍事
後以平內亂功代轄里為奚六部吐里卒敵刺善騎射頗
好禮文

蕭痕篤字元里軫迭刺部人其先相遥輦氏痕篤少慷慨
以才能自任早隸太祖帳下數從征討既踐阼除北府宰
相痕篤事親孝
政尚寬簡

康默記本名照少為薊州衙校太祖侵薊州得之愛其材
隸麾下一切蕃漢相涉事屬默記折衷之悉合上意時諸
部新附文法未備默記推析律意論決重輕不差毫釐羅
禁網者人人自以為不冤頃之拜左尚書神冊二年始建
都默記董役人咸勸趨百日而訖事五年為皇都夷萬畢
會太祖出師居庸關命默記將漢軍進逼長蘆水寨俘馘
甚衆天贊四年親征渤海默記與韓知古從後大譴譟叛
命諸將攻之默記分薄東門率驍勇先登既拔與韓延徽
下長嶺府軍還已下城邑多叛默記與阿古只平之既破
回跋城歸營太祖山陵畢卒佐命功臣其一也孫延壽字

胤昌少儻謂其所親大丈夫為將當效節邊番馬黃
屍景宗特授千牛衛大將軍宋人攻南京諸將既成列延
壽獨奮擊陣前敵遂大潰以功遷授保大軍節度使乾寧
三年卒

韓延徽字藏明幽州安次人父夢殷累官節儒順三州刺
史延徽少英燕帥劉仁恭奇之召為幽都府文學平州錄
事參軍同馮道祗候院授幽州觀察度支使後守光為帥
延徽來聘太祖怒其不屈留之述律后諫曰彼秉節弗撓
賢者也奈何因辰之太祖召與語合上意立命參軍事攻
完項室韋服諸部落延徽之壽居多乃請樹城郭分市里

以居漢人之降者又為定配偶教墾藝以生養之以故逃
亡者少居父之慨然懷其鄉里賦詩見意遂亡歸唐已而
與他將王緘有隙懼及難乃省親幽州匿故入王德明舍
德明問所適延徽曰吾將復走契丹德明不以為然延徽
笑曰彼失我如失左右手其見我必喜既至太祖問故延
徽曰忘親非孝毒君非忠臣雖挺身逃臣心在陛下臣是
以後來上大悅賜名曰匡列匡列遼言復來也即命為守
政事令崇文館大學士中外事悉令參決天贊四年從征
渤海大譴譏乞隆既而復叛與諸將破其城以功拜左僕
射又與康默記攻長嶺府拔之師還太祖崩哀動左右太

宗朝封魯國公初為政事令使晉還改南京三司使世宗
朝遷南府宰相建政事省設張理且稱盡力吏天祿二年
六月河東使請行冊禮帝召延徽定其制延徽奏一遵太
宗冊晉帝禮從之應曆中致事子德樞鎮東平詔許每歲
東歸省九年卒年七十八上聞震悼贈尚書令葬幽州之
魯郭世為崇文令公初延徽南奔太祖夢白鶴自帳中出
比還復入帳中詰曰謂侍臣曰延徽至矣已而果然太祖
初元庶事草創凡營都邑建宮殿正君臣定名分法度并
并延徽力也為佐命功臣之一十德樞德樞年甫十五太
宗見之謂延徽曰是兒卿家之福朕國之寶真英物也未

冠守左羽林大將軍遷特進太尉時漢人降與轉徙者多
寓東平丁歲蓄饑饉疾癘德樞請往撫字之授遼興軍節
度使下車整紛剔蠹恩煦信孚勸農桑興教化期月民獲
蘇息入為南院宣徽使遙授天平軍節度使平灤營三州
管内觀察處置等使門下平章事已而加開府儀同三司
行侍中封趙國公保寧元年卒孫紹勳紹芳紹勳仕至東
京戶部使會大延琳叛被執辭不屈賊以鋸解之憤罵至
死紹芳重熙間參知政事加兼侍中時廷議征李元昊力
諫不聽出為廣德軍節度使聞敗嘔血卒孫資讓壽隆初
拜中書侍郎平章事會宋徽宗嗣位遣使來報有司按籍

有答寶位文坐是出為崇義軍節度使改鎮遼興卒

韓知古薊州玉田人善謀有識量太祖平薊時知古六歲
為淳欽皇后兄欲穩所得後來嬪知古從焉未得省見父
之負其有怏怏不得志挺身逃庸保以供資用其子匡嗣
得親近太祖因間言太祖召見與語略乏命參謀議神冊
初遙授彰武軍節度使父之信任益篤總知漢兒司事兼
主諸國禮儀時儀法䟽闊知古援據典故參酌國俗與漢
儀雜就之使國人易知而行頃之拜左僕射與康默記將
漢軍征渤海有功遷中書令天顯中卒為佐命功臣之一

子匡嗣

匡嗣以善醫直長樂宮皇后視之猶子應曆十年爲太祖廟詳穩後宋王喜隱謀叛辭引匡嗣上置不問初景宗在藩邸善匡嗣即位拜上京留守頃之王燕改南京留守保寧末以留守攝樞密使時耶律虎古使宋還言宋人必取河東合先事以爲備匡嗣詆之曰寧有是已而宋人果取太原乘勝逼燕匡嗣與南府宰相沙惕隱休哥侵宋軍于滿城方陣宋人請降匡嗣欲納之休哥曰彼軍氣甚銳疑誘我也可整頓士卒以禦匡嗣不聽俄而宋軍鼓譟薄我衆蹙踐塵起漲天匡嗣倉卒諭諸將無當其鋒衆旣奔遇伏兵扼要路匡嗣棄旗鼓遁其衆走易州山獨休哥收所

棄兵械全軍還帝怒匡嗣數之曰違爾衆謀深入敵境爾罪一也號令不肅行伍不整爾罪二也棄我師旅挺身鼠竄爾罪三也偵候失機守御弗備爾罪四也捐棄旗鼓損威辱國爾罪五也促令誅之皇后引諸內戚徐爲開解上重違其請良乂威稍霽乃杖而免之旣而遙授晉昌軍節度使乾亨二年改西南面招討使卒詹智皇后聞之遣使臨弔賻贈甚厚後追贈尚書令五子德源德讓後賜名隆運德威德崇德凝德源德疑附傳餘各有傳

德源性愚而貪早侍景宗耶及即位列近侍統和間官崇義興國二軍節度使加檢校太師以名德讓貽書諫之

終不悛以故論者少之後加同政事口下平章事遷攝保
寧軍節度使乾亨初卒宗祔又咀吐以位於時時聞宣
德疑謙遜廉謹保寧中遷護軍司徒口國泰中累遷護衛太
保都宮使崇義軍節度使移鎮廣德秋滿部民請留從之
改西南面招討使党項隆益答叛平之遷大同軍節度使
卒于官子郭三終天德軍節度使孫音以家奴終南院宣徽
使高十終遼興軍節度使

列傳第四

列傳第五

遼史七十五

元興府儀同三司上柱國前中書右丞相監修國史

都總裁臣脫脫修

耶律覲烈字兀里軫六院部蒲古只夷裔董之後父偶思
亦為夷裔董初太祖為于越時覲烈以謹愿寬恕見器使
既即位兄曷魯典宿衛以故覲烈入侍帷幄與聞政事神
冊三年曷魯薨命覲烈為迭刺部夷裔董屬以南方事令
討党項皇太子為先鋒覲烈副之軍至天德雲內分道並
進覲烈率偏師渡河力戰斬獲甚衆天贊初析迭刺部為
北南院羅夷裔董時大元帥率師由古北口略燕地覲烈

徇山西所至城堡皆下太祖嘉其功錫賚甚厚從伐渤海
拔扶餘城留覲烈與寅底石守之天顯二年留守南京十
年卒年五十六弟羽之贈左監軍至天顯五年內公首
羽之小字兀里字寅底哂幼豪爽不群長嗜學通諸部語
太祖經營之初多預軍謀天顯元年渤海平立皇太子為
東丹王以羽之為中臺省右次相時人心未安左大相迭
刺不踰月薨羽之莅事勤恪威信並行太宗即位上表曰
我大聖天皇始有東土擇賢輔以撫斯民不以臣愚而任
之國家利害敢不以聞渤海昔畏南朝阻險自衛居忽汗
城今去上京遼邈既不為用又不罷戍果何為哉先帝因

彼難心乘釁而動故不戰而克天授人與彼一時也遺種
寢以蕃息今居遠境恐為後患梁水之地乃其故鄉地衍
土沃有木鐵鹽魚之利乘其微弱徙還其民萬世長策也
彼得故鄉又獲木鐵鹽魚之饒必安居樂業然後選徙以
翼吾左突厥党項室韋夾擊善右可以坐制南邦混一天
下成聖祖未集之功貽後世無疆之福表奏帝嘉納之是
歲詔徙東丹國民於梁水時稱其善人皇王奔唐羽之鎮
撫國人一切如故以功加守太傅遷中臺省左相會同初
以冊禮赴闕加特進表奏左次相渤海蘇貪墨不法事卒
子和里終東京留守刻石人蘇蕭古只金章大相再為

耶律鐸臻字敵輦六院部人祖蒲古只遥輦氏時再爲本部夷离董耶律狼德等既害玄祖暴橫益肆蒲古只以計誘其黨悉誅夷之鐸臻幼有志節太祖爲于越常居左右後即位梁人遣使求轅軸材太祖難之鐸臻曰梁名求材實覘吾輕重宜答曰材之所生必深山窮谷有神司之須白鼻赤驢禱祠然後可伐如此則其語自塞矣已而果然天贊二年將伐渤海鐸臻諫曰陛下先事渤海則西夏必躡吾後請先西討庶無後顧憂太祖從之及淳欽皇后稱制惡鐸臻囚之誓曰鐵鎖兵當釋汝旣而召之使者欲去鎖鐸臻辭曰鐵未朽可釋也后聞嘉歎趣召釋之天顯二

年卒弟古突呂不

古字涅刺昆初名霞馬葛太祖爲于越嘗從略地山石會李克用於雲州古侍克用異之曰是兒骨相非常不宜使在左右以故太祖頗忌之時方西討諸弟亂作聞變太祖問古與否曰無喜曰吾無患矣趣召古議古陳殄滅之策後皆知言以故錫資其厚神冊末兩伐以古佐右皮室詳德老古與唐兵戰于雲瑯店老古中流矢傷甚太祖疑古陰害之古知上意跪曰陛下疑臣恥居老古麾下耶及今老古在請遣使問之太祖使問老古對曰臣於古無可疑者上意乃釋老古卒遂以古爲右皮室詳穩旣卒太祖

左右曰古死猶長松自倒非吾伐之也
突呂不字鐸家幼聰敏嗜學事太祖見器重及製契丹大字突呂不替成爲多末幾爲文班林牙領國子博士知制誥明年受詔撰決獄法太祖略燕詔與皇太子及王郁攻定州師還至順州幽州馬步軍指揮使王干率衆來襲突呂不射其馬躓擒之天贊二年皇子堯骨爲大元帥突呂不爲副旣克平州進軍燕趙攻下曲陽北平至易州易人來拒踰濠而陣李景章出降言城中人無鬪志大元帥將修攻具突呂不諫曰我師遠來人馬疲憊勢不可久留乃止軍還大元帥以其謀聞太祖大悅賜賚優渥車駕西征

突呂不與大元帥爲先鋒伐党項有功太祖犒師水精山大元帥東歸突呂不留屯西南部復討党項多獲而還太祖東伐大譚譔降而復叛攻之突呂不先登渤海平承詔銘太祖功德于永興殿辟盡師已下州郡徃徃復叛突呂不從大元帥攻破之淳欽皇后稱制有飛語中傷者后怒突呂不懼而亡太宗知其無罪召還天顯三年討烏古部俘獲甚衆伐唐以突呂不爲左翼攻唐軍霞沙寨降之十一年送晉主石敬瑭入洛及大冊突呂不總禮儀事加特進檢校太尉會同五年卒
王郁京兆萬年人唐義武軍節度使處直之孽子伯父處

存鎮義武卒二軍推其子郜襲處直為都知兵馬使光化三年梁王朱全忠攻定州郜遣處直拒于沙河兵敗入城逐郜郜奔太原亂兵推處直為留後遣人請事梁王梁與晉王克用絕好表處直為義武軍節度使初郜之亡也晉從之晉王克用妻以女用為新州防禦使處直料晉必討張文禮鎮亡則定不獨存益自疑陰使郜北導契丹入塞以牽晉兵且許為嗣郜自奔晉常恐失父心得使大喜神冊六年奉表送款舉室來降太祖以為養子未幾郜兄都囚父自為留後帝遣郜從皇太子討之至定州都堅壁不出掠居民而還明年從皇太子攻鎮州遇唐兵于定州破

之天贊二年秋郜及阿古只略地燕趙攻下磁窯務從太祖平渤海戰有功加同政事門下平章事改宗義軍節度使太祖崩郜與妻會葬其妻泣訴於淳欽皇后求歸鄉國許之郜奏曰臣本唐主之壻主已被弑此行夫妻豈能相保願常侍太后后喜曰漢人中惟王即最忠孝以太祖嘗與李克用約為兄弟故也尋加政事令還宜州卒

耶律圖魯塞字阿魯隱肅祖子治脊之孫勇而有謀略太宗立晉之役其父敵魯古為五院夷酋董歿于兵帝即以

其職授圖魯塞會同元年改北院大王嘗屏左右與議大事占對合上意從討石重貴杜重威擁十萬餘衆拒滹沱

橋力戰數日不得進帝曰兩軍爭渡人馬疲矣計安出諸將請緩師爲後圖帝然之圖魯窘厲色進曰臣愚竊以爲陛下樂於安逸則謹守四境可也旣欲擴大疆宇出師遠攻詎能無慮聖慮若中路而止適爲賊利則必陷南京夷屬邑若此則爭戰未已吾民無莫枕之期矣且彼步我騎何慮不克况漢人足力弱而行緩如選輕銳騎先絕其餉道則事蔑不濟矣帝喜曰國強則其人賢海巨則其魚大於是塞其餉道數出師以牽撓其勢重成果降如言以功獲賜甚厚明年表卒軍中軍門下平首事文宗薨車前論曰神冊初元將相大臣拔起風塵之中翼扶王運以任職取名者固一時之材亦由太祖推誠御下不任獨斷用能總攬群策而爲之用歟其投天隙而列功庸至有心腹耳目手足之諭豈偶然哉討党項走敵魯平刺葛定渤海功亦偉矣若默記治獄不寃頗得持論不撓延徽立經陳紀紹勲秉節而死圖魯窘料敵制勝豈器博者無近用道長者其功遠歟稱爲佐命固宜

列傳第五

嘉靖八年刊

卷五

六

市汴人大悅解里亦被詰責尋釋之天祿間加守太子太傅應曆初置本部令穩解里世其職卒
耶律拔里得字孩鄰太祖弟刺葛之子太宗即位以親愛見任會同七年討石重貴拔里得進圍德州下之擒刺史師居璠等二十七人九年再舉兵次滹沱河降杜重威戰功居多太宗入汴以功授安國軍節度使總領河北道事師還州郡往往叛以應劉知遠拔里得不能守而歸世宗即位遷中京留守卒

耶律朔古字彌骨頂橫帳英父之後幼為太祖所養既冠為右皮室詳穩從伐渤海戰有功天顯七年授三河烏古

部都詳穩平易近民安之以故父其任會同間為惕隱時晉主石重貴渝盟帝親征晉將杜重威擁眾拒滹沱月餘帝由他渡濟朔古與趙延壽揚中渡橋重威兵却遂降是歲入汴世宗即位朔古奉太宗喪歸上京佐皇太后出師坐是免官卒

耶律魯不古字信寧太祖從姪也初太祖制契丹國字魯不古以贊成功授林牙監修國史後率偏師為西南邊大詳穩從伐党項有功會河東節度使石敬瑭為其主所討遣人求援魯不古道送于朝如其請帝親率師往援魯不古從擊唐將張敬達于太原北敗之會同初從討党項後

獲最諸將師還天冊中拜于越六年為北院大王終年五十五不爵嘗不吉夢其于腹吸其諸帝時率昭武軍使趙延壽本姓劉恒山人父邠令舊梁開平初滄州節度使劉守文陷舊其裨將趙得鈞獲延壽養以為子少美容貌好書史唐明宗先以女妻之及即位封其女為興平公主拜延壽駙馬都尉樞密使明宗子從榮恃權跋扈內外莫不震懾延壽求補外避之出為宣武軍節度使清泰初加魯國公復為樞密使鎮許州石敬瑭發兵太原唐遣張敬達往討會敬達敗保晉安寨延壽與德鈞往救聞晉安已陷太宗追及延壽與其父俱降明年德鈞卒以

延壽為幽州節度使封燕王及改幽州為南京遷留守總山南事天顯末以延壽妻在晉詔取之以歸自是益自激昂圖報會同初帝幸其第加政事令冬晉人背盟帝親征延壽為先鋒下貝州授魏博等州節度使封魏王敗晉軍于南樂獲其將賽項羽軍元城晉將李守貞高行周率兵來逆破之至頓丘會大霖雨帝欲班師延壽諫曰晉軍屯河濱不敢出戰若徑入澶州奪其橋則晉不足平上然之道晉軍先歸澶州高行周至析城延壽將輕兵逆戰上親督騎士突其陣敵遂潰師還留延壽狗具莫深三州八年再伐晉晉主遣延壽族人趙行實以書來招時晉人堅壁

不出延壽給曰我陷虜久寧忘父母之邦若以軍逆我即歸晉人以為然遣杜重威率兵迎之延壽至滹沱河據中渡橋與晉軍力戰手殺其將王靖兩軍相拒太宗潛由他渡濟留延壽與耶律朔古據橋敵不能奪屢敗之杜重威埽厥衆降上喜賜延壽龍鳳赭袍且曰漢兵皆爾所有爾宜親往撫慰延壽至營杜重威李守貞迎謁馬首後太宗克汴延壽因李崧求為皇太子上曰吾於魏王雖割肌肉亦不惜但皇太子須天子之子得為魏王豈得為也蓋上嘗許滅晉後以中原帝延壽以故摧堅破敵延壽常以身先至是以崧達意上命遷延壽秩翰林學士承旨張礪進

擬中京留守大丞相錄尚書事都督中外諸軍事上塗
尚書事都督中外諸軍事世宗即位以翊戴功授樞密使
天祿二年薨

高模翰一名松渤海人有膂力善騎射好談兵初太祖平渤海模翰避地高麗王妻以女因罪亡歸坐使酒殺人下獄太祖知其才賞之天顯十一年七月唐遣張敬達楊光遠帥師五十萬攻太原勢銳甚石敬瑭遣人求救太宗許之九月徵兵出太原模翰與敬達軍接戰敗之太原圍解敬瑭夜出謁帝約為父子帝召模翰等賜以酒饌親舉士卒士氣益振翌日復戰又敗之敬達鼠竄晉安寨模翰獻

停于帝會敬瑭自立爲晉帝光遠斬敬達以降諸州悉下
上諭模翰曰朕自起兵百餘戰卿功第一雖古名將無以
加乃授上將軍會同元年冊禮告成宴百官及諸國使于
三儀殿帝指模翰曰此國之勇將朕統一天下斯人之力
也群臣皆稱萬歲及晉叛盟出師南伐模翰爲統軍副使
與僧遏前驅拔赤城破德貞諸寨是冬兼總左右鐵鷄子
軍下關南城邑數十三月勅虎官楊章赴乾寧軍爲滄州
節度使田武名所圍模翰與趙延壽聚議往救俄有光自
將騎自中出紮繞旗矛鏃如流星久之模翰喜曰此天
贊之祥遂進兵殺獲甚衆以功加侍中略地鹽山破饒安

晉人震怖不敢接戰加大傅晉以魏府節度使杜重威領
兵三十萬來拒模翰謂左右曰軍法在正不在多以多陵
少不義必敗其晉之謂乎詰旦以麾下三百人逆戰殺其
先鋒梁漢璋餘兵敗走手詔褒美比漢之李陵頃之杜重
威等復至滹沱河帝召模翰問計上善其言曰諸將莫及
此乃令模翰守中渡橋及戰復敗之上曰朕憑高觀兩軍
之勢顧卿英銳無敵如鷹逐雉克當圖形麟閣爵貶後裔
已而杜重威等降車駕入汴加特進檢校太師封越郡開
國公賜璽書劔器爲汴州巡檢使平汜水諸山土賊遷鎮
中京天祿二年加開府儀同三司賜對衣鞍勒名馬應曆

初召爲中臺省右相至東京父老歡迎曰公起戎行致身
實爲鄉里榮相如買臣輩不足過也九年正月遷左相
卒而世重復其車馬人亦以世重復其車馬
趙思溫字文美盧龍人少果銳膂力兼人隸燕帥劉仁恭
慕李存勗問罪于燕思溫統偏師拒之流矢中目裂裳漬
血戰猶不已爲存勗將周德威所擒存勗壯而釋其縛父
之日見信用與梁戰於莘縣以驍勇聞授平州刺史兼平
營薊三州都指揮使神冊二年太祖遣大將經略燕地思
溫來降及伐渤海以思溫爲漢軍都團練使力戰拔扶餘
城身被數創太祖親爲調藥太宗即位以功擢檢校太保

保靜軍節度使天顯十一年唐兵攻太原石敬瑭遣使求
救上命思溫自嵐憲間出兵援之旣罷兵改南京留守盧
龍軍節度使管內觀察處置等使開府儀同三司兼侍中
賜協謀靜亂翊聖功臣尋改臨海軍節度使會同初從耶
律牒曠使晉行冊禮還加檢校太師二年有星隕于庭卒
上遣使賻祭贈太師魏國公子延昭延靖官至使相
耶律漚里思六院夷離董蒲古只之後負勇略每戰被重
鎧揮鐵槊所向披靡會同間伐晉上至河而獵適海東青
鷲搏雉晉人隔水以鷁引去上顧左右曰誰爲我得此人
漚里思請內廐馬濟河擒之并殺救者數人還上大悅優

加賞賚既而晉將杜重威逆于望都據水勒戰瀋里思介馬突陣餘軍繼之被圍衆言陣薄處可出瀋里思曰恐彼有他備竟引兵衝堅而出廻視衆所指皆大塹也其料敵多此類是年總領敵烈皮室軍坐私免部曲奪官卒

張礪磁州人初仕唐爲掌書紀遷翰林學士會石敬瑭起兵唐主以礪爲招討判官從趙德鈞援張敬達于河東及敬達敗礪入契丹後太宗見礪剛直有文彩擢翰林學士礪臨事必盡言無所避上益重之不幾謀亡歸爲追騎所獲上責曰汝何故亡礪對曰臣不肖北方土俗飲食居處意常鬱鬱以是亡耳上顧通事高彥英曰朕嘗戒汝善遇

此人何乃使失所而亡礪去可再得耶遂杖彥英而謝礪會同初陞翰林承旨兼吏部尚書從太宗伐晉入汴諸將蕭翰耶律郎五麻答輩肆殺掠礪奏曰今大遼始得中國宜以中國人治之不可專用國人及左右近習苟政令乖失則人心不服雖得之亦將失之上不聽改右僕射兼門下侍郎平章事項之車駕北還至欒城崩時礪在恒州蕭翰與麻答以兵圍其第礪方臥病出見之翰數之曰汝何故於先帝言國人不可爲節度使我以國舅之親有征伐功先帝留我守汴以爲宣武軍節度使汝獨以爲不可又譖我與解里好掠人財物子女今必殺汝趣令鎖之礪抗

聲曰此國家大體安危所繫吾實言之欲殺即殺奚以鎖
為麻答以礪大臣不可專殺乃救止之是夕礪恚憤卒
論曰初晉因遼之兵而得天下故兼臣禮而父事之割地
以為壽輸帛以為貢未久也而會同之師次滹沱矣豈群
帥貪功黷武而致然歟抑所謂信不由衷也哉模翰以功
名自終可謂良將若延壽之勲雖著至於覬覦儲位謬矣
利令智昏固無足議若乃成末釁以虧僑功如解里者何
譏焉

列傳第七

遼史七十七

元開府儀同三司上柱國前中書右丞相監修國史

都總裁 臣脫脫修

耶律屋質字敵輦系出孟父房姿簡靜有器識重然諾遇
事造次處之從容人莫能測博學知天文會同間為惕隱
太宗崩諸大臣立世宗太后聞之怒甚遣皇子李胡以兵
逆擊遇安端劉哥等于秦德泉敗歸李胡盡執世宗臣僚
家屬謂守者曰我戰不克先殪此曹人皆恟恟相謂曰若
果戰則是父子兄弟相夷矣軍次潢河橫渡隔岸相拒時
屋質從太后世宗以屋質善籌欲行間乃設事奉書以試

太后太后得書以示屋質屋質讀竟言曰太后佐太祖定天下故臣願竭死力若太后見疑臣雖欲盡忠得乎爲今之計莫若以言和解事必有成否即宜速戰以決勝負然人心一搖國禍不淺惟太后裁察太后曰我若疑卿安肯以書示汝屋質對曰李胡末康王皆太祖子孫神器非移他族何不可之有太后宜思長策與末康王和議太后曰誰可遣者對曰太后不疑臣臣請往萬一末康王見聽廟社之福太后乃遣屋質授書於帝帝遣宣徽使耶律海思復書辭多不遜屋質諫曰書意如此國家之憂未艾也能釋怨以安社稷則臣以爲莫若和好帝曰彼衆烏合安能

敵我屋質曰即不敵柰骨肉何況未知孰勝借曰幸勝諸臣之族執於李胡者無噍類矣以此計之惟和爲善左右聞者失色帝良久問曰若何而和屋質對曰與太后相見各紓忿恚和之不難不然決戰非晚帝然之遂遣海思詣太后約和往返數日議乃定始相見怨言交讓殊無和意太后謂屋質曰汝當爲我畫之屋質進曰太后與太王若能釋怨臣乃敢進說太后曰汝第言之屋質借謁者籌執之謂太后曰昔人皇王在何故立嗣聖太后曰立嗣聖者太祖遺旨又曰大王何故擅立不稟尊親帝曰人皇王當立而不立所以去之屋質正色曰人皇王捨父母之國而

奔唐子道當如是耶大王見太后不少遜謝惟然是尋太
后牽于偏夢託先帝遺命妄授神器如比何敢望和當速
交戰擲籌而退太后泣曰向太祖遭諸弟亂天下荼毒瘡
痍未復庸可再乎乃索籌一帝曰父不為而子為又誰咎
也亦取籌而執左右感激大慟太后復謂屋質曰議既定
神器竟誰歸屋質曰太后若授末康王順天合人復何疑
李胡厲聲曰我在兀欲安得立屋質曰禮有世嫡不傳諸
弟昔嗣聖之立尚以為非况公暴戾殘忍人多怨讟萬口
一辭頽立末康王不可奪也太后顧李胡曰汝亦聞此言
乎汝實自為之乃許立末康帝謂屋質曰汝與朕屬尤近

何及助太后屋質對曰臣以杜稷至重不可輕付故如是
耳上喜其忠天祿二年耶律天德蕭翰謀反下獄惕隱劉
哥及其弟盆都結天德等為亂耶律石剌潛告屋質屋質
遽引入見白其事劉哥等不服事遂寢未幾劉哥邀駕觀
檮蒲捧觴上壽袖刃而進帝覺命執之親詰其事劉哥自
誓帝復不問屋質奏曰當使劉哥與石剌對狀不可輒恕
帝曰卿為朕鞫之屋質率劍士往訊之天德等伏罪誅天
德杖諭遷劉哥以盆都使轄夏斯國三年表列秦寧王察
割陰謀事上不聽五年為右皮室詳穩秋上祭讓國皇帝
于行宮與群臣皆醉察割弒帝屋質聞有言表紫者不可

失乃易衣而出亟遣人召諸王及喻禁衛長皮室等同力討賊時壽安王歸帳屋質遣弟冲迎之王至尚猶豫屋質曰大王嗣聖子賊若得之必不容群臣將誰事社稷將誰賴萬一落賊手悔將何及王始悟諸將聞屋質出相繼而至遲明整兵出賊不意圍之遂誅察割亂既平穆宗即位謂屋質曰朕之性命實出卿手命知國事以逆黨財產盡賜之屋質固辭應曆五年爲北院大王總山西事保寧初宋圍太原以屋質率兵往援至白馬山領遣勁卒夜出間道疾馳駐太原西鳴鼓舉火宋兵以爲大軍至懼而宵遁以功加千越四年漢劉繼元遣使來貢致幣於屋質屋質以

聞帝命受之是年五月薨年五十七帝痛悼輟朝三日後道宗詔上京立祠祭享樹碑以紀其功云

耶律吼字爲魯六院部夷崗董蒲古只之後端慤好施不事生產太宗特加倚任會同六年爲南院大王蒞事精簡人不敢以年少易之時晉主石重貴表不稱臣辭多踞慢吼言晉罪不可不伐及帝親征以所部兵從既入汴諸將皆取內帑珍異吼獨取馬鎧帝嘉之及帝崩于欒城無遺詔軍中憂懼不知所爲吼詣北院大王耶律注議曰天位不可一日曠若請于太后則必屬李胡李胡暴戾殘忍詎能子民必欲厭人望則當立末康王注然之會耶律安搏

來意與吼合遂定議立末康王是為世宗頃之以功加採
訪使賜以寶貨吼辭曰臣位已高敢復求富臣從弟的琛
諸子坐事籍沒陛下哀而出之則臣受賜多矣上曰吼舍
重賞以族人為請其賢遠甚許之仍賜官戶五十時有取
當世名流作七賢傳者吼與其一天祿三年卒年三十九
子何魯不平心見之即習五不重貴妻下林日國之
何魯不字科寧嘗與耶律屋質平察割亂穆宗以其父吼
首議立世宗故不顯用晚年為本族散史及景宗即位以
平察割功授昭德軍節度使為北院大王時黃龍府軍將
燕頗殺守臣以叛何魯不討之破於鴨綠江坐不親追擊

以至失賊杖之乾亨間卒

耶律安搏曾祖巖木玄祖之長子祖 楚不魯為本部夷离
董父迭里幼多疾時太祖為撻馬狄 沙里常加撫育神冊
六年為湯隱從太祖將龍軍討阻卜 党項有功天贊三年
為南院夷离董征渤海攻忽汗城俘 斬甚眾太祖崩淳欽
皇后稱制欲以大元帥嗣位迭里建 言帝位宜先嫡長今
東丹王赴朝當立由是忤旨以黨附 東丹王詔下獄詞鞫
加以炮烙不伏殺之籍其家安搏自 幼若成人居父喪哀
毀過禮見者傷之太宗屢加慰諭嘗 曰此兒必為令器既
長寡言笑重然諾動遵繩矩事母至 孝以父死非罪未葬

不預宴樂世宗在藩邸尤加憐恤安搏密自結納太宗伐
晉還至樂城崩諸將欲立世宗以李胡及壽安王在朝猶
豫未決時安搏直宿衛世宗密召問計安搏曰大王聰安
寬恕人皇王之嫡長先帝雖有壽安天下屬意多在大王
今若不斷後悔無及會有自京師來者安搏詐以李胡死
傳報軍中皆以為信於是安搏詣北南二大王計之北院
大王泣聞而遽起曰吾二人方議此事先帝嘗欲以末康
王為儲貳今日之事有我輩在孰敢不從但恐不白太后
而立為國家啓慶安搏對曰大王既知先帝欲以末康王
為儲副況末康王賢明人心樂附今天下甫定稍緩則大

事去矣若曰太后必立李胡且李胡殘暴行路共知果嗣
位如杜稷何南院大王吼曰此言是也吾計決矣乃整軍
召諸將奉世宗即位于太宗柩前帝立以安搏為腹心總
知宿衛是歲約和于潢河橫渡太后問安搏曰吾與汝有
何隙安搏以父死為對太后默然及置北院樞密使上命
安搏為之賜奴婢百口寵任無比事皆取決焉然性太寬
事循苟簡豪猾縱恣不能制天祿末祭割兵犯御幄又不
能討由是中外短之穆宗即位以立世宗之故不復委用
應曆三年或誣安搏與齊王番撒葛謀亂繫獄死姪撒給
左皮室詳穩

耶律注字敵輦隋國王釋魯孫南院夷鹵董縮思子少有
器識人以公輔期之太祖時雖未官常任以事太宗即位
為楊隱天顯末帝援河東注為先鋒敗張敬達軍於太原
北會同中遷北院大王及伐晉復為先鋒與梁漢境戰於
瀛州敗之太宗崩于樂城南方州郡多叛士馬困乏軍中
不知所為注與耶律吼定策立世宗乃令諸將曰大行上
賓神器無主永康王人皇王之嫡長天人所屬當立有不
從者以軍法從事諸將皆曰諾世宗即位賜宮戶五十拜
于越卒年五十四

耶律頽是子團寧孟父楚國王之後

父末撥嘗為夷鹵董

頽是性端直會同中領九石烈部政濟寬猛世宗即位為
楊隱天祿二年兼政事令封漆水郡王及穆宗立以匡贊
功嘗訐以本部大王後將葬世宗頽是懇言於帝曰臣蒙
先帝厚恩未能報幸及大葬臣請陪位帝由是不悅寢其
議夢回東單詔不為恩宋世宗初帝嘗與大臣言世宗不
耶律撻烈字涅魯魯六院部郎君曩古直之後沉厚多智
有任重才年四十未仕會同間為邊部令穩應曆初陞南
院大王均賦役勸耕稼部人化之戶口豐殖時周人侵漢
以撻烈都統西南道軍援之周已下太原數城漢人不敢
戰及聞撻烈兵至周主遣郭從義尚鈞等率精騎拒於忻

口撻烈擊敗之獲其將史彥超周軍遁歸復所陷城邑漢
主詣撻烈謝及漢主殂宋師來伐上命撻烈為行軍都統
發諸道兵救之既出鴈門宋謀知而退保寧元年加兼政
事令致政乾亨初召之上見鬚髮皓然精力猶健問以政
事厚禮之以疾薨年七十九撻烈凡用兵賞罰信明得士
卒心河東單弱不為周宋所併者撻烈有力焉在治所不
修邊幅百姓無稱年穀屢稔時耶律屋質居北院撻烈居
南院俱有政迹朝議以為富民大王云
贊曰立嗣以嫡禮也太宗崩非安搏吼汪謀而克斷策立
世宗非屋質直而能諫杜太后之私折李胡之暴以成橫
渡之約則亂將誰定四臣者庶幾春秋首止之功哉

目錄參國史

列傳第七

嘉靖八年刊

卷之七

夏之隆俱廣統緒之四百矣其親繼春深首士之臣也

列傳第八

遼史七十八

元開府儀同三司上柱國前中書右丞相監修國史

都總裁臣脫脫修

耶律夷臘葛字蘇散本宮分人檢校太師合魯之子應曆
初以父任入侍數歲始為殿前都點檢時上新即位疑諸
王有異志引夷臘葛為布衣交一切機密事必與之謀遷
寄班都知賜官戶時上酗酒數以細故殺人有監雉者因
傷雉而亡獲之欲誅夷臘葛諫曰是罪不應死帝竟殺之
以屍付夷臘葛曰收汝故人夷臘葛終不為止復有監鹿
詳穩亡一鹿下獄當死夷臘葛又諫曰人命至重豈可為

嘉靖八年

一獸殺之良父得免遼法鹿霞岐角者惟天子得射會秋獵
善為鹿鳴者呼一鹿至命夷臘葛射應該而踏上大悅賜
金銀各百兩名馬百疋及黑山東抹真之地後穆宗被弑
坐守衛不嚴被誅

蕭海瓌字宙的晒其先遙輦氏時為本部夷離董父塔列
天顯間為本部令穩海瓌貌魁偉膂力過人天祿間娶明
王安端女藹因翁主應曆初察割亂藹因連坐繼娶朝瑰
翁主上以近戚嘉其勤篤命預北府宰相選項之總知軍
國事時諸王多坐反逆海瓌為人廉謹達政體每被命案
獄多得其情人無冤者繇是知名漢主劉承鈞每遣使入

貢必別致幣物詔許受之年五十卒帝愍悼輟朝二日
蕭護思字延寧世為北院吏累遷御史中丞總典群牧部
籍應曆初遷左客省使未幾拜御史大夫時諸王多坐事
繫獄上以護思有才幹詔窮治稱旨改北院樞密使仍命
世預宰相選護思辭曰臣子孫賢否未知得一客省使足
矣從之上晚歲醜酒用刑多濫護思居要地躡躡自保未
嘗一言匡救議者以是少之年五十七卒

蕭思溫小字寅古宰相敵魯之族弟忽沒里之子通書史
太宗時為奚禿里太尉尚燕國公主為群牧都林牙思溫
在軍中握齧修邊幅僚佐皆言非將帥才尋為南京留守

初周人攻揚州上遣思溫躡其後憚暑不敢進拔緣邊數城而還後周師來侵圍馮母鎮勢甚張思溫請益兵帝報曰敵來則與統軍司併兵拒之敵去則務農作勿勞士馬會敵入東城我軍退渡滹沱而屯思溫勒兵徐行周軍數日不動思溫與諸將議曰敵衆而銳戰不利則有後患不如頓兵以老其師躡而擊之可以必勝諸將從之遂與統軍司兵會飾他說請濟師周人引退思溫亦還已而周主復北侵與其將傅元卿李崇進等分道並進圍瀛州陷益津瓦橋淤口三關垂迫固安思溫不知計所出但云車駕且夕至麾下士奮躍請戰不從已而陷易瀛莫等州京齊

人皆震駭往往遁入西山思溫以邊防失利恐朝廷罪已表請親征會周主榮以病歸思溫退至益津僞言不知所

在遇步卒二千餘人來拒敗之是年聞周喪燕民始安乃班師時穆宗酒酒嗜殺思溫以密戚預政無所匡輔士論不與十九年春蒐上射熊而中思溫與夷離畢牙里斯等進酒上壽帝醉還宮是夜爲庖人斯奴古等所弑思溫與南院樞密使高勳飛龍使女里等立景宗保寧初爲北院樞密使兼北府宰相仍命世預其選上冊思溫女爲后加尚書令封魏王從帝獵間山爲賊所害

蕭繼先字楊隱小字留只哥幼穎悟叔思溫命爲子睿知

皇后尤愛之乾亨初尚齊國公主拜附馬都尉統和四年
宋人來侵繼先率邏騎逆境上多所俘獲上嘉之拜北府
宰相自是出師繼先必將本府兵先從拔狼山石壘從破
宋軍應州上南征取通利軍戰稱捷力及親征高麗以繼
先年老留守上京卒年五十八繼先雖處富貴尚儉素所
至以善治稱故將兵攻戰未嘗失利名重戚里

論曰嗚呼人君之過莫大於殺無辜湯之伐桀也數其罪
曰並告無辜於上下神祇武王之伐紂也數其罪曰無辜
籲天堯之伐苗民也呂侯追數其罪曰殺戮無辜迹是言
之夷獵葛之諫廩廩庶幾古君子之風矣雖然善諫者不
諫於已然蓋必先得於心術之微如察脉者先其病而治
之則易爲功穆宗沈湎失德蓋其資富彊之勢以自肆久
矣使群臣於造次動作之際此諫彼諍提而警之以防其
甚則亦詎至是哉予以知護思思溫處位優重耽祿取容
真鄙夫矣若海瓌之折獄繼先之善治可謂任職臣歟

順治己亥年二月十九日

江寧府儒學教授朱謨校

列傳第八

順治十六年刊

卷第八

其滿夫矣若燕樂之泚窟辨夫之善也何歸也... 其四亦唯至異時... 吳興特用... 之四也... 賴於已然蓋必夫... 遼史七十九

列傳第九

遼史七十九

元開府儀同三司上柱國前中書右丞相監修國史

室昉字夢奇南京人幼謹厚篤學不出外戶者二十年雖

里人莫識其精如此會同初登進士第為盧龍巡捕官太

宗入汴受冊禮詔昉知制誥總禮儀事天祿中為南京留

守判官應曆間累遷翰林學士出入禁闈十餘年保寧間

兼政事舍人數延問古今治亂得失奏對稱旨上多昉有

理劇才改南京副留守決訟平允人皆使之遷工部尚書

尋改樞密副使參知政事頃之拜樞密使兼北府宰相加

嘉靖八年刊

同政事門下平章事乾亨初監修國史統和元年告老不許進尚書無逸篇以諫太后聞而嘉獎二年秋詔修諸嶺路昉發民夫二十萬一日畢功是時昉與韓德讓耶律糾軫相友善同心輔政整析蠹弊知無不盡務在息民薄賦以故法度修明朝無異議八年復請致政詔入朝免拜賜几杖太后遣閣門使李從訓持詔勞問令常居南京封鄭國公初晉國公主建佛寺于南京上許賜額昉奏曰詔書悉罪無名寺院今以主請賜額不惟違前詔恐此風愈熾上從之表進所撰實錄二十卷手詔褒之加政事令賜帛六百匹九年薦韓德讓自代不從上以昉年老苦寒賜貂

皮衾褥許乘輦入朝病劇遣翰林學士張幹就第授中京留守加尚父卒年七十五上嗟悼輟朝二日贈尚書令遺言戒厚葬恐人譽過情自志其墓二十三年贈音大同軍耶律賢適字阿古真子越魯不古之子嗜學有大志滑稽玩世人莫之知惟于越屋質器之嘗謂人曰是人當國天下幸甚應曆中朝臣多以言獲譴賢適樂於靜退游獵自娛與親朋言不及時事會討烏古還擢右皮室詳穩景宗在藩邸常與韓匡嗣女里等游言或刺譏賢適勸以宜早踈絕由是穆宗終不見疑賢適之力也景宗立以功加檢校太保尋遥授寧江軍節度使賜推忠協力功臣時帝初

踐阼多疑諸王或萌非望陰以賢適為腹心加特進同中書門下平章事保寧二年秋拜北院樞密使兼侍中賜保節功臣三年為西北路兵馬都部署賢適忠介膚敏推誠待人雖燕息不忘政務以故百司首職罔敢踰墮累年滯獄悉決之大丞相高勳契丹行宮都部署女里席寵放恣及帝姨母保母勢薰灼一時納賂請謁門若賈區賢適患之言于帝不報以病解職又不允令鑄手印行事乾亨初疾篤得請明年封西平郡王薨年五十三子觀音大同軍節度使尚父卒年六十子知軍陳厚二日觀尚書令貴女里安涅烈來逸其氏族補積慶宮人應曆初為習馬不

底以母憂去一日至雅伯山見一巨人惶懼走巨人止之曰勿懼我地祇也葬爾母於斯當速詣闕必貴女里從之累遷馬群侍中時景宗在藩邸以女里出自本宮待遇殊厚女里亦傾心結納及穆宗遇弒女里奔赴景宗是夜集禁兵五百以衛既即位以翼戴功加政事令契丹行宮都部署賞賚甚渥尋加守太尉北漢主劉繼元聞女里為上信任遇其生日必致禮女里素貪同列蕭阿不底亦好賄二人相善人有氈裘為臬耳子所著者或戲曰若女里阿阿不底必盡取之傳以為笑其貪猥如此保寧末坐私藏甲五百屬有司方案詰女里袖中又得殺樞密使蕭思溫

賊書賜死女里善識馬嘗行郊野見數馬跡指其一曰此
奇駿也以已馬易之果然
郭襲不知何郡人性端介識治體久淹外調景宗卽位召
見對稱旨知可任以事拜南院樞密使尋加兼政事令以
帝數游獵襲上書諫曰昔唐高祖好獵蘇世長言不滿十
旬未足爲樂高祖卽日罷史稱其美伏念聖祖創業艱難
修德布政宵旰不懈穆宗逞無厭之欲不恤國事天下愁
怨陛下繼統海內翕然望中興之治十餘年間征伐未已
而寇賊未弭年穀雖登而瘡痍未復正宜戒懼修省以懷
永國側聞恣意遊獵甚於往日萬一有銜縻之變搏噬之

虞悔將何及况南有疆敵伺隙而動聞之得無生心乎伏
望陛下節從禽酣飲之樂爲生靈社稷計則有無疆之休
上覽而稱善賜協贊功臣拜武定軍節度使卒

耶律阿沒里字蒲鄰遙輦朝古可汗之四世孫幼聰敏保
寧中爲南院宣徽使統和初皇太后稱制與耶律斜軫宋
預國論爲都統以征高麗功遷北院宣徽使加政事令四
年春宋將曹彬米信等侵燕上親征阿沒里爲都監屢破
敵軍十二年行在多盜阿沒里立禁捕法盜始息先是叛
逆之家兄弟不知情者亦連坐阿沒里諫曰夫兄弟雖曰
同胞賦性各異一行逆謀雖不與知輒坐以法是刑及無

罪也自今雖同居兄弟不知情者免連坐太后嘉納著為
令致仕卒阿没里性好聚歛每從征所掠人口聚而建城
請為豐州就以家奴閻貴為刺史時議鄙之子賢哥左夷
裔畢
論曰景宗之世人望中興豈其勤心庶績而然蓋承穆宗
營虐之餘為善易見亦由群臣多賢左右弼諧之力也室
昉進無說之篇郭鶴陳諫備之疏阿没里請免同氣之坐
所謂仁人之言其利溥哉賢適忠介亦近世之名臣女里
貪獲後人所當取鑑者也

列傳第九

列傳第十

遼史八十一

元開府儀同三司上柱國前中書右丞相監修國史

都總裁臣脫脫修

張儉宛平人性端慤不事外飾統和十四年舉進士第一
調雲州幕官故事車駕經行長吏當有所獻聖宗獵雲中
節度使進曰臣境無他產惟幕僚張洽一代之寶願以為
獻先是上夢四人侍側賜食人二口至聞儉名始悟召見
容止朴野訪及世務占奏三十餘事由此顧遇特異踐歷
清華號稱明幹開泰中累遷同知樞密院事太平五年出
為武定軍節度使移鎮大同六年入為南院樞密使帝方

眷倚參知政事吳叔達與儉不相能帝怒出叔達爲康州
刺史拜儉左丞相封韓王帝不豫受遺詔輔立太子是爲
興宗賜貞亮弘靖保義守節耆德功臣拜太師中書令加
尚父徙王陳重熙五年帝幸禮部貢院及親試進士皆儉
發之進見不名賜詩褒美儉衣唯紬帛食不重味月俸有
餘賙給親舊方冬奏事便殿帝見衣袍弊惡密令近侍以
火夾穿孔記之屢見不易帝問其故儉對曰臣服此袍已
三十年時尚奢靡故以此微諷喻之上憐其清貧令悉取
內府物儉奉詔持布三端而出益見獎重儉弟五人上欲
俱賜進士第固辭有司獲盜八人既戮之乃獲正賊家人

訴寃儉三乞申理上勃然曰卿欲朕償命耶儉曰八家老
稚無告少加存恤使得收葬足慰存沒矣乃從之儉在相
位二十餘年裨益爲多致政歸第會宋書辭不如禮上將
親征幸儉第尚食先往具饌卻之進葵羹乾飯帝食之美
徐問以策儉極陳利害且曰第遣一使問之何必遠勞車
駕上悅而止復卽其第賜宴器玩悉與之十二年薨年九
十一勅葬宛平縣公羊臥密備土意以賊事人以去儉又
邢抱朴應州人刑部郎中簡之子也抱朴性穎悟好學博
古保寧初爲政事舍人知制誥累遷翰林學士加禮部侍
郎統和四年山西州縣被兵命抱朴鎮撫之民始安加戶

部尚書遷翰林學士承旨與室昉同修實錄決南京滯獄
還優詔褒美十年拜叅知政事以樞密使韓德讓薦按察
諸道守令能否而黜陟之大協人望尋以母憂去官詔起
視事表乞終制不從宰相密論上意乃視事人以孝稱及
耶律休哥留守南京又多滯獄復詔抱朴平決之人無冤
者改南院樞密使卒贈侍中初抱朴與弟抱質受經于母
陳氏皆以儒術顯抱質亦官至侍中時人榮之
馬得臣南京人好學博古善屬文尤長于詩保寧間累遷
政事舍人翰林學士常預朝議以正直稱乾亨初宋師屢
犯邊命爲南京副留守復拜翰林學士承旨聖宗卽位皇

太后稱制兼侍讀學士上閱唐高祖太宗玄宗三紀得臣
乃錄其行事可法者進之及扈從伐宋進言降不可殺亡
不可追二三其德者別議詔從之俄兼諫議大夫知宣徽
院事時上擊鞠無度上書諫曰臣竊觀房玄齡杜如晦隋
季書生向不遇太宗安能爲一代名相臣雖不才陛下在
東宮幸列侍從今又得侍聖讀未有裨補聖明陛下嘗問
臣以貞觀開元之事臣請略陳之臣聞唐太宗侍太上皇
宴罷則挽輦至內殿玄宗與兄弟歡飲盡家人禮陛下嗣
祖考之祚躬侍太后可謂至孝臣更望定省之餘睦六親
加愛敬則陛下親親之道比隆二帝矣臣又聞二帝耽玩

經史數引公卿講學至于日昃故當時天下翕然嚮風以
隆文治今陛下游心典籍分解章句臣願研究經理深造
而篤行之二帝之治不難致矣臣又聞太宗射豕唐儉諫
之玄宗臂鷹韓休言之二帝莫不樂從今陛下以毬馬爲
樂愚臣思之有不宜者三故不避斧鉞言之竊以君臣同
戲不免分爭君得臣愧彼負此喜一不宜躍馬揮杖縱橫
馳騫不顧上下之分爭先取勝失人臣禮二不宜輕萬乘
之尊圖一時之樂萬一有銜勒之失其如社稷太后何三
不宜儻陛下不以臣言爲迂少賜省覽天下之福群臣之
願也書奏帝嘉歎良久未幾卒贈太子太保詔有司給葬

蕭朴字延寧國舅少父房之族父勞古以善屬文爲聖宗
詩友朴幼如老成人及長博學多智開泰初補牌印郎君
爲南院承旨權知轉運事尋改南面林牙帝問以政朴具
陳百姓疾苦國用豐耗帝悅曰吾得人矣擢左夷離畢時
蕭合卓爲樞密使朴知部署院事以酒廢事出爲興國軍
節度使俄召爲南面林牙太平三年守太子太傅明年拜
北府宰相遷北院樞密使時太平日父帝留心翰墨始畫
譜牒以別嫡庶由是爭訟紛起朴有吏才能知人主意數
奏稱旨朝議多取決之封蘭陵郡王進王恒加中書令及
大延琳叛詔安撫東京以便宜從事興宗即位皇太后稱

嘉祥八年

卷一

日

制國事一委弟孝先方仁德皇后以馮家奴所誣被害朴
屢言其寃不報每念至此為之嘔血重熙初改王韓拜東
京留守及遷太后于慶州朴徙王楚升南院樞密使四年
王魏薨年五十贈齊王子鐸刺國舅詳穩
耶律八哥字烏古鄰五院部人幼聰慧書一覽輒成誦統
和中以世業為本部吏未幾陞聞撒狻尋轉樞密院侍御
會宋將曹彬米信侵燕八哥以扈從有功擢上京留守開
泰四年召為北院樞密副使頃之留守東京七年上命東
平王蕭排押帥師伐高麗八哥為都監至開京大掠而還
濟茶陀二河高麗追兵至諸將皆欲使敵渡兩河擊之獨
八哥以為不可曰敵若渡兩河必殊死戰乃危道也不若
擊於兩河之間排押從之戰敗績明年還東京奏渤海承
奉官宜有以統領之上從其言置都知押班後以茶陀之
敗削使相降西北路都監卒

論曰張儉名符帝夢遂結主知服弊袍不易志敦薄俗功
著兩朝世稱賢相非過也邢抱朴甄別守令大愜人望兩
決滯獄民無寃濫馬得臣引盛唐之治以諫其君蕭朴痛
皇后之誣至於嘔血四人者皆以明經致位忠盡若此宜
矣聖宗得人於斯為盛

列傳第十

宋聖宗封人公漢為溫

大徵赫吳無

春兩隨世無

備日乘命各

如前

奉有宜

聖宗

八

列傳第十一

遼史八十一

元開府儀同三司上柱國前中書右丞相監修國史

都總裁臣脫脫修

耶律室魯字乙辛隱六院部人魁岸美容儀聖宗同年生

帝愛之甫冠補祗候郎君未幾為宿真官及出師伐宋為

隊帥從南府宰相耶律奴瓜統軍使蕭撻覽略地趙魏有

功加檢校太師為北院大王攻拔通利軍宋和議成特進

門下平章事賜推誠竭節保義功臣以本部俸羊多闕部

人空乏請以羸老之羊及皮毛歲易南中絹彼此利之拜

北院樞密使封韓王自韓德讓知北院職多廢曠室魯拜

嘉靖八年刊

卷一百一十二

命之日朝野相慶從上獵松林至沙嶺卒年四十四贈守
司徒政事令二子十神奴歐里斯十神奴南院大王
歐里思字留隱少有大志未冠補祗候郎君開泰初為本
部司徒秩蒲閑居徵為郎君班詳穩遷右皮室詳穩將本
部兵從重平王蕭排押伐高麗至茶陀二河戰不利歐里
斯獨全軍還帝嘉賞終西南面招討使
王繼忠不知何郡人仕宋為鄆州刺史殿前都虞候統和
二十一年宋遣繼忠屯定之望都以輕騎覘我軍遇南府
宰相耶律奴瓜等獲之太后知其賢授戶部使以康默記
族女女之繼忠亦自激昂事必盡力宋以繼忠先朝舊臣

每遣使必有附賜聖宗許受之二十二年宋使來聘遺繼
忠孤矢鞭策及求和劄子有曰自臨大位愛養黎元豈欲
窮兵惟思息戰每救邊事嚴諭守臣至于北界人民不令
小有侵擾衆所具悉爾亦備知向以知雄州何承矩已布
此懇自後杳無所聞汝可密言如許通和即當別使往請
詔繼忠與宋使相見仍許講和以繼忠家無奴隸賜官戶
三十加左武衛上將軍攝中京留守五年為漢人行宮都
部署封琅邪郡王六年進楚王賜國姓上嘗宴飲議以蕭
合卓為北院樞密使繼忠曰合卓雖有刀筆才暗於大體
蕭敵烈才行兼備可任上不納竟用合卓及遣合卓伐高

麗繼忠為行軍副部署。政興化鎮月餘不下。師還上謂明於知人拜樞密使。太平三年致仕卒。子懷玉仕至防禦使。蕭孝忠字撒板小字圖吉。斯志慷慨。開泰中補祗候郎君。尚越國公主拜駙馬都尉。累遷殿前都點檢。太平中擢北府宰相。重熙七年為東京留守。時禁渤海人擊毬。孝忠言東京最為重鎮。無從禽之地。若非毬馬何以習武。且天子以四海為家。何分彼此。宜弛其禁。從之。十二年入朝封楚王。拜北院樞密使。國制以契丹漢人分北南院樞密治之。孝忠奏曰。一國二樞密。風俗所以不同。若併為一天下。幸甚。事未及行。薨。追封楚國王。帝素服哭臨。赦死囚數人為

孝忠薦福。葬日親臨。賜宮戶守塚子阿速終南院樞密使。陳昭衮小字王九雲。州人工譯。鞬勇而善射。統和中補祗候郎君。為奚拽刺詳穩。累遷。敗陸宮太保兼掌圍場事。開泰五年秋大獵。帝射虎以馬馳。太速。矢不及發。虎怒奮勢。將犯蹕。左右辟易。昭衮捨馬捉虎。兩耳騎之。虎駭且逸。上命衛士追射。昭衮大呼止之。虎雖軼山。昭衮終不墮地。伺便拔佩刀殺之。輦至上前慰勞。良久即日設燕。悉以席上金銀器賜之。特加節鉞。遷圍場都太師。賜國姓。命張儉呂德懋賦以美之。遷歸義軍節度使。同知上京留守。歷西南面招討都監。卒。

蕭合卓字合魯隱突呂不部人始爲本部吏統和初以謹恪補南院侍郎十八年北院樞密使韓德讓舉合卓爲中丞以太后遺物使宋還遷北院樞密副使開泰三年爲左夷離畢合卓父居近職明習典故善占對以是尤被寵渥陞北院樞密使時議以爲無官行不可大用南院樞密使王繼忠侍宴又譏其短帝頗不悅六年遣合卓伐高麗還時求進者多附之然其服食僕馬不加于舊帝知其廉以族屬女妻其子詔許親友饋獻豪貴奔趨于門太平五年有疾帝欲臨視合卓辭曰臣無狀猥蒙重任今形容毀瘁恐陛下見而動心帝從之會北府宰相蕭朴問疾合卓執其手曰吾死君必爲樞密使慎勿舉勝已者朴出而鄙之是日卒子烏古終本部節度使

論曰統和諸臣名昭王室者多矣室魯拜樞密使朝野相慶必有得民心者繼忠既不能死國雖通南北之和有知人之鑑奚足尚哉孝忠昭來皆有可稱者合卓臨終教蕭朴毋舉勝已者樞密其誤國之罪大矣

列傳第十一

其手曰吾父吾必為蘇密對其舉類曰皆休出而囑之

不田舉類曰皆蘇密其罪固之罪大矣

入之謝矣其尚結失忠昭交皆背何蘇密合早歸多務蕭

其手曰吾父吾必為蘇密對其舉類曰皆休出而囑之

列傳第十二

遼史八十二

元開府儀同三司上柱國前中書右丞相監修國史

都總裁臣脫脫修

耶律隆運本姓韓名德讓西南面招討使匡嗣之子也統

和十九年賜名德昌二十二年賜姓耶律二十八年復賜

名隆運重厚有智略明治體喜建功立事侍景宗以謹飭

聞加東頭承奉官補樞密院通事轉上京皇城使遙授彰

德軍節度使代其父匡嗣為上京留守權知京事甚有聲

景復代父守南京時人榮之宋兵取河東侵燕五院糾詳

穩婆底統軍蕭訶古等敗歸宋兵圍城招脅甚急人懷二

心隆運登城日夜守禦援軍至圍解及戰高梁河宋兵敗走隆運邀擊又破之以功拜遼興軍節度使徵爲南院樞密使景宗疾大漸與耶律斜軫俱受顧命立梁王爲帝皇后爲皇太后稱制隆運總宿衛事太后益寵任之統和元年加開府儀同三司兼政事令四年宋遣曹彬米信將十萬衆來侵隆運從太后出師敗之加守司空封楚國公師還與北府宰相室昉共執國政上言西州數被兵加以歲饑宜輕稅賦以來流民從之六年太后觀擊鞠胡里室突隆運墜馬命立斬之詔率師伐宋圍少淮敵乘夜來襲隆運嚴軍以待敗走之封楚王九年復言燕人挾燕苟免賦

役貴族因爲曩橐奇遣北院宣徽使趙智戒諭從之十二年丁母憂詔強起之明年室昉致政以隆運代爲北府宰相仍領樞密使監修國史賜興化功臣十二年六月奏三京諸鞫獄官吏多因請託曲加寬貸或妄行榜掠乞行禁止上可其奏又表請任賢去邪太后喜曰進賢輔政真大臣之職優加賜資服闋加守太保兼政事令會北院樞密使耶律斜軫薨詔隆運兼之久之拜大丞相進王齊總二樞府事以南京平州歲不登奏免百姓農器錢及請平諸郡商賈價並從之二十二年從太后南征及河許宋成而還徙王晉賜姓出官籍隸橫帳季父房後乃改賜今名位

親王上賜田宅及陪葬地從伐高麗還得父疾帝與后臨視醫藥薨年七十二贈尚書令謚文忠官給葬具建廟乾陵側無子清寧三年以魏王貼不子耶魯為嗣天祚立以皇子敖廬幹繼之弟德威姪制心拜大丞相德威性剛介善馳射保寧初歷上京皇城使儒州防禦使改北院宣徽使乾亨初丁父喪疆起復職權西南招討使統和初党項寇邊一戰却之賜劔許便宜行事領突呂不迭刺二紮軍以討平稍古曷功真授招討使夏州李繼遷叛宋內附德威請納之既行繼遷諸夷皆從爾書褒獎與楊隱耶律善補敗宋將楊繼業加開府儀同三司政事門

下平章事未幾以山西城邑多陷奪兵柄李繼遷受賂潛懷二心奉詔率兵往諭繼遷託以西征不出德威至靈州俘掠而還年五十五卒贈兼侍中子雋金終彰國軍節度使二孫謝十條魯謝十終楊隱

條魯字遵寧幼養宮中授小將軍重熙初歷北院宣徽使右林牙副點檢拜楊隱改西北路招討使封漆水郡王請減軍籍三千二百八十人後以私取回鶻使者獺毛裘及私取阻卜貢物事覺決大杖削爵免官俄起為北院宣徽使十九年改烏古敵烈部都詳穩尋為東北路詳穩封混同郡王清寧初徙王鄧擢拜南府宰相以年老乞骸骨更

王漢大康中薨年八十條魯神情秀徹聖宗子視之與宗
待以兄禮雖貴愈謙初爲都點檢扈從獵黑嶺獲熊上因
樂飲謂條魯曰汝有求乎對曰臣富貴踰分不敢他望惟
臣叔先朝優遇身歿之後不肖子坐罪籍沒四時之薦享
諸孫中得赦一人以主祭臣願畢矣詔免籍復其產子燕
五官至南京步軍都指揮使條魯重賜以禮出宣揚
制心小字可汗奴父德崇善醫視人形色輒決其病累官
至武定軍節度使制心善訓鷹隼統和中爲歸化州刺史
開泰中拜上京留守進漢人行宮都部署封漆水郡王以
皇后外弟恩遇日隆樞密副使蕭合卓用事制心奏合卓
寡識度無行檢上默然每內宴歡洽輒避之皇后不悅曰
汝不樂耶制心對曰寵貴鮮能長保以是爲憂耳太平中
歷中京留守惕隱南京留守徙王燕遷南院大王或勸制
心奉佛對曰吾不知佛法惟心無私則近之矣一日沐浴
更衣而卧家人聞絲竹之聲怪而入視則已逝矣年五十
三贈政事令追封陳王守上京時酒禁方嚴有捕獲私醞
者一飲而盡笑而不詰卒之日部民若哀父母
耶律勃古哲字蒲奴隱六院夷裔董蒲古只之後勇悍善
治生保寧中爲天德軍節度使歷南京侍衛馬步軍都指
揮使以討平党項羌阿里撒米僕里鼈米遷南院大王聖

宗即位太后稱制會群臣議軍國事勃古哲上疏陳便宜
數事稱旨即日兼領山西路諸州事統和四年宋將曹彬
等侵燕勃古哲擊之甚力賜輸忠保節致主功臣總知山
西五州會有告勃古哲曲法虐民者按之有狀以大杖決
之八年為南京統軍使卒子文里官至詳穩
蕭陽阿字稍隱端毅簡嚴識遼漢字通天文相法父卒自
五蕃部親挽喪車至奚王嶺人稱其孝年十九為本班郎
君歷鐵林鐵鷄大鷹三軍詳穩乾統元年由烏古敵烈部
屯田太保為易州刺史幸臣劉彥良嘗以事至州怙寵恣
橫為陽阿所沮彥良歸安加毀訾尋遣人代陽阿州民干

餘詣闕請留即日授武安州觀察使歷烏古涅里順義彰
信等軍節度使權知東北路統軍使事聞耶律郎不鐸魯
幹等叛獨引麾下三十餘人追捕之身被二創生擒十餘
人送之行在坐不獲首惡免官未幾權南京留守卒

武白不知何郡人為宋國子博士差知相州至通利軍為
我軍所俘詔授上京國子博士改臨潢縣令遷廣德軍節
度副使先是有訟宰相劉慎行與子婦姚氏私者有司出
其罪聖宗詔白鞠之白正其事使新羅還權中京留守時
慎行諸子皆處權要以白斷百姓分籍事不直坐左遷未
幾遷尚書左丞知樞密事拜遼興軍節度使致仕卒

蕭常哥字胡獨董國舅之族祖約直同政事門下平章事
父實老累官節度使常哥魁偉寡言年三十餘始為祗候
郎君歷本族將軍松山州刺史壽隆二年以女為燕王妃
拜末興宮使及妃生子為南院宣徽使尋改漢人行宮都
部署統和初加太子太師為國舅詳穩二年改遼興軍節
度使召為北府宰相以柴冊禮加兼侍中天慶元年致仕
卒謚曰欽肅

耶律虎古字海鄰六院夷离董觀烈之孫少穎悟重然諾
保寧初補御賤郎君十年使宋還以宋取河東之意聞于
上燕王韓匡嗣曰何以知之虎古曰諸僭號之國宋皆併

收惟河東未下今宋講武習戰意必在漢匡嗣力沮乃止
明年宋果伐漢帝以虎古能料事器之乃曰吾與匡嗣慮
不及此授涿州刺史統和初皇太后稱制召赴京師與韓
德讓以事相忤德讓怒取護衛所執戎仗擊其腦卒子磨
魯古

磨魯古字遙隱有智識善射統和初拜南面林牙四年宋
侵燕太后親征磨魯古為前鋒手中流矢拔而復進太后
既至磨魯古以創不能戰與北府宰相蕭繼先巡邏境上
累遷北院大王七年代宋為先鋒與耶律奴瓜破其將李
忠吉于定州以疾卒于軍

論曰德讓在統和間位兼將相其克敵制勝進賢輔國功業茂矣至賜姓名主察晉抑有寵於太后而致然歟宗族如德威平党項滌魯完宗祀制心不苟合家聲益振豈無所自哉若勃古之忠陽阿之孝武白之直亦彬彬乎一代之良臣矣

列傳第十二
今宋輔佐吉神意以五年相繼入心

列傳第十三
遼史八十三

元開府儀同三司上柱國前中書右丞相監修四代史

耶律休哥字遜正祖釋魯隋國王父

哥少有公輔器初烏古室韋二部叛

幹討之應曆末為湯隱乾亨元年宋

院軍使肅討古等敗績南京被圍帝

之追殺三十餘里斬首萬餘級休哥

去休哥以創不能騎輕車追至涿州

不及而還是年冬上

命韓匡嗣耶律沙伐宋以報圍城之役休哥率本部兵從
匡嗣等戰于蒲城翌日將復戰宋人請降匡嗣信之休哥
曰彼衆整而銳必不肯屈乃誘我耳且嚴兵以待匡嗣不
聽休哥引兵憑高而視須臾南兵大至鼓譟疾馳匡嗣倉
卒不知所為士卒棄旗鼓而走遂敗績休哥整兵進擊敵
乃却詔總南面戍兵為北院大王車駕親征圍瓦橋關宋
兵來救守將張師突圍出帝親督戰休哥斬師餘衆退走
入城宋陣于水南將戰帝以休哥馬介獨黃慮為敵所識
乃賜玄甲白馬易之休哥率精騎渡水擊敗之追至莫州
積屍滿道載矢俱聲生獲數將以獻帝悅賜御馬金盃勞

之曰爾勇過于名若人人如卿何憂不克師還拜于越聖
宗即位太后稱制令休哥總南面軍務以便宜從事休哥
均戍兵立更休法勸農桑修武備邊境大治統和四年宋
復來侵其將范密楊繼業出雲州曹彬米信出雄易取岐
溝涿州陷固安置屯時北南院奚部兵未至休哥力寡不
敢出戰夜以輕騎出兩軍間殺其單弱以脅餘衆晝則以
精銳張其勢使彼勞於防禦以疲其力又設伏林莽絕其
糧道曹彬等以糧運不繼退保白溝月餘復至休哥以輕
兵薄之伺彼蓐食擊其離伍單出者且戰且却由是南軍
自救不暇結方陣塹地兩邊而行軍渴乏并鹿淖而飲凡

四日始達于涿聞太后軍至彬等冒雨而遁太后益以銳卒追及之彼力窮環糧車自衛休哥圍之至夜彬信以數騎亡去餘衆悉潰追至易州東聞宋師尚有數萬瀕沙河而襲促兵往擊之宋師望鹿奔竄隨岸相蹂死者過半沙河爲之不流太后旋旆休哥收宋屍爲京觀封宋國王又上言可乘宋弱略地至河爲界書奏不納及太后南征休哥爲先鋒敗宋兵於望都時宋將劉廷讓以數萬騎並海而出約與李敬源合兵聲言取燕休哥聞之先以兵扼其要地會太后軍至接戰殺敬源廷讓走瀛州七年宋遣廷讓等乘暑攻易州諸將憚之獨休哥率銳卒逆

于沙河之北殺傷數萬獲輜重不可計獻于朝太后嘉其功詔免拜不名自是宋不敢北向時宋人欲止兒啼乃曰于越至矣休哥以燕民疲弊省賦役恤孤寡戒戍兵無犯宋境雖馬牛逸于北者悉還之遠近向化邊鄙以安十六年薨是夕雨木冰聖宗詔立祠南京休哥智略宏遠料敵如神每戰勝讓功諸將故士卒樂爲之用身更百戰未嘗殺一無辜二子高八官至節度使高十終于越孫馬哥馬哥字訛特懶興宗時以散職入見上問卿奉佛乎對曰臣每旦誦太祖太宗及先臣遺訓未暇奉佛帝悅清寧中遷唐古部節度使咸雍中累遷匡義軍節度使大康初致

仕卒
耶律斜軫字韓隱于越曷魯之孫性明敏不事生產保寧
元年樞密使蕭思溫薦斜軫有經國才上曰朕知之第佚
蕩豈可羈屈對曰外雖佚蕩中未可量乃召問以時政占
對剴切帝器重之妻以皇后之姪命節制西南面諸軍仍
援河東攻南院大王乾亨初宋再攻河東從耶律沙至白
馬嶺遇敵沙等戰不利斜軫赴之令麾下萬矢齊發敵氣
褫而退是年秋宋下河東乘勝襲燕北院大王耶律奚底
與蕭討古逆戰敗績退屯清河北斜軫取奚底等青幟軍
于得勝口以誘敵敵果爭赴斜軫出其後奮擊敗之及高

梁之戰與耶律休哥分左右翼夾擊大敗宋軍統和初皇
太后稱制益見委任為北院樞密使會宋將曹彬米信出
雄易楊繼業出代州太后親帥師救燕以斜軫為山西路
兵馬都統繼業陷山西諸郡各以兵守自屯代州斜軫至
定安遇賀令圖軍擊破之追至五臺斬首數萬級明日至
蔚州敵不敢出斜軫書帛射城上諭以招慰意陰聞宋軍
來救令都監耶律顯子夜伏兵險阨俟敵至而發城守者
見救至突出斜軫擊其背二軍俱潰追至飛狐斬首二萬
餘級遂取蔚州賀令圖潘美復以兵來斜軫逆于飛狐擊
敗之宋軍在渾源應州者皆棄城走斜軫聞繼業出兵令

奮捷凜伏兵于路明日繼業兵至斜軫擁衆為戰勢繼業
麾幟而前斜軫佯退伏兵發斜軫進攻繼業敗走至狼牙
村衆軍皆潰繼業為流矢所中被擒斜軫責曰汝與我國
角勝三十餘年今日何面目相見繼業但稱死罪而已初
繼業在宋以驍勇聞人號楊無敵首建梗邊之策至狼牙
村心惡之欲避不可得既擒三日死斜軫歸闕以功加守
太保從太后南伐卒于軍太后親為哀臨仍給葬具庶子
徇兒官至小將軍大武驍伯楊繼業
耶律奚低孟父楚國王之後便弓馬勇於攻戰景宗時多
任以軍事統和四年為右皮室詳穩時宋將楊繼業陷山

西郡縣奚低從樞密使斜軫討之凡戰必以身先矢無虛
發繼業敗于朔州之南匿深林中奚低望袍影而射繼業
墮馬先是軍令須生擒繼業奚低以故不能為功後太后
南伐屢有戰績以病卒

耶律學古字乙辛隱于越洼之庶孫穎悟好學工譯鞮及
詩保寧中補御盞郎君乾亨元年宋既下河東乘勝侵燕
學古受詔往援始至京宋敗耶律奚低蕭討古等勢益張
圍城三周穴地而進城中民懷二心學古以討安反側隨
宜備禦晝夜不少懈適有敵三百餘人夜登城學古戰卻
之會援軍至圍遂解學古開門列陣四面鳴鼓居民大呼

聲震天地旋有高梁之捷以功遙授保靜軍節度使爲南
京馬步軍都指揮使二年伐宋乞將漢軍從之改彰國軍
節度使時南境未靜民思休息學古禁寇掠以安之會宋
將潘美率兵分道來侵學古以軍少虛張旗幟雜丁黃爲
疑兵是夜適獨虎峪舉烽火遣人偵視見敵俘掠村野擊
之悉獲所掠物擒其將領自是學古與潘美各守邊約無
相侵軼民獲安業以功爲惕隱卒弟烏不呂

烏不呂字留隱嚴重有膂力善屬文統和中伐宋屢任以
軍事嘗與爻直不相能因曰爾奴才何所知爻直訟于北
院樞密使韓德讓德讓怒問曰爾安得此奴耶烏不呂對

曰二父異籍時亦易得德讓笑而釋之後從蕭恒德伐蒲
盧毛朶部以功爲東路統軍都監及德讓爲大丞相薦其
材可任統軍使太后曰烏不呂嘗不遜於卿何善而薦德
讓奏曰臣忝相位於臣猶不屈况於其餘以此知可用若
任使之必能鎮撫諸蕃太后從之加金紫崇祿大夫檢校
太尉而弟國留以罪亡烏不呂及其母俱下吏恐禍及母
陰使人召國留給曰太后知事之誣汝第來勿畏國留至
送有司坐誅其後退歸田里以疾卒

論曰宋乘下太原之銳以師圍燕繼遣曹彬楊繼業等分
道來伐是兩役也遼亦岌岌乎殆哉休哥奮擊于高梁敵

兵奔潰斜軫擒繼業于朔州旋復故地宋自是不復深入
杜稷固而邊境寧雖配古名將無愧矣然非學古之在
京安其及側則二將之功蓋亦難致故曰國以人重信哉
劉昫人曰因留留曰太可味事之結也策來之異國留
大德而策因留以罪不昌及其與不吏恐留及
其對之必謂難辭諸蕃大台從之曰金紫崇爵大夫劍
窮委曰曰悉財曰外曰首不風其其親以地味回甲
林曰曰臨軍東大司曰鳥不曰嘗不登外味回善而善
靈子宗昭以文為東魏將軍昭靈及武靈高大夫詠謝其
可傳第十三

列傳第十四

遼史八十四

元開府儀同三司上柱國前中書右丞相監修國史

耶律沙字安隱其先嘗相遙輦氏應曆間累官南府宰相

景宗即位總領南面邊事保寧間宋攻河東沙將兵救之
有功加守太保乾亨初宋復北侵沙將兵由間道至白馬

嶺阻大澗遇敵沙與諸將欲待後軍至而戰冀王敵烈監
軍耶律抹只等以為急擊之便沙不能奪敵烈等以先鋒

渡澗未半為宋人所擊兵潰敵烈及其子蛙哥沙之子德
里令穩都敏詳穩唐答等五將俱沒會北院大王耶律斜

嘉靖八年刊

軫兵至萬矢俱發敵軍始退沙將趨太原會漢駙馬都尉
盧俊來奔言太原已陷遂勒兵還宋乘銳侵燕沙與戰于
高粱河稍却遇耶律休哥及斜軫等邀擊敗宋軍宋主宵
遁至涿州微服乘驢車間道而走上以功釋前過是年復
從韓匡嗣伐宋敗績帝欲誅之以皇后營救得免睿智皇
后稱制召賜几杖以優其老復從伐宋敗劉廷讓李敬源
之軍賜賚優渥統和六年卒軍大勳習問累官南
耶律抹只字留隱仲父隋國王之後初以皇族入侍景宗
即位為林牙以幹給稱保寧間遷樞密副使宋攻河東南
府宰相耶律沙為都統將兵往援抹只監其軍及白河潰
之敗僅以身免宋乘銳攻燕將奚兵翊休哥擊敗之上以
功釋前過十一年從都統韓匡嗣伐宋戰于蒲城為宋將
所紿諸軍奔潰獨抹只部伍不亂徐整旗鼓而歸聖書褒
諭改南海軍節度使乾亨二年拜樞密副使統和初為東
京留守宋將曹彬米信等侵邊抹只引兵至南京先繕守
禦備及車駕臨幸抹只與耶律休哥逆戰于涿之東克之
遷開遠軍節度使故事州民歲輸稅斗粟折錢五抹只表
請折錢六部民便之統和末卒高梁河
蕭幹小字項烈字婆典北府宰相敵魯之子性質直初察
害之亂其黨胡古只與幹善使人召之幹曰吾豈能從逆

臣縛其人送壽安王賊平上嘉其忠拜群牧都林牙復以
伐烏古功遷北府宰相改突呂不部節度使乾亨直宋伐
河東乘勝侵燕詔幹拒之戰于高梁河耶律沙退走幹與
耶律休哥等併力戰敗之上手勅慰勞自是每征伐必參
決軍事加政事令二年宋兵圍瓦橋夜襲我營幹及耶律
勻哥戰却之時皇后以父呼幹及后為皇太后稱制幹數
條奏便宜多見聽用統和四年卒姪討古與燕王敵烈宣使
討古字括寧性忠簡應曆初如入侍會冀王敵烈宣使
海軍謀反討古與耶律阿剌密告於上上嘉其忠詔尚朴
謹公王保靈大為南京地一軍使乾亨初宋侵燕討古與

院太王奚底拒之不克軍潰討古等不敢復戰退屯清河
帝聞其敗遣使責之曰卿等不嚴偵候用兵無法遇敵即
敗奚以將為討古懼頃之援兵至討古奮力以敗宋軍上
釋其罪降為南京侍衛親軍都指揮使四年卒其母曰
耶律善補字瑤昇孟父楚國王之後純謹有才智景宗即
位授千牛衛大將軍遷大同軍節度使及伐宋韓匡嗣與
耶律沙將兵由東路進善補以南京統軍使由西路進善
補聞匡嗣失利斂兵還乾亨末與宋軍戰于蒲城為伏兵
所圍斜軫救之獲免以失備大杖決之統和初為惕憶會
宋來侵善補為都元帥逆之不敢戰故嶺西州郡多陷罷

楊隱以其叔安端有匡輔世宗功上愍之徵善補為南府
宰相遷南院大王會再舉伐宋欲攻魏府召眾集議將士
以魏城無備皆言可攻善補曰攻固易然城大巨量若克
其城士卒貪俘掠勢必不可遏且傍多巨鎮各出援兵內
有重敵何以當之上乃止善補性懦守靜凡征討憚攻戰
急還以故戰多不利年七十四卒
耶律海里字留隱令穩接里得之長子察割之亂其母的
魯與焉遣人召海里海里拒之亂平的魯以子故獲免海
里儉素不喜聲利以射獵自娛雖居閑人敬之若貴官然
保寧初拜彭國軍節度使遷楊隱秩滿稱疾不仕久之復
為南院大王及曹彬米信等來侵海里有却敵功賜資忠
保義匡國功臣帝屢親征海里在南院十餘年鎮以寬靜
戶口增給時議重之封漆水郡王遷上京留守薨詔以家
貧給葬具

論曰當高梁朔州之捷偏裨之將如沙與抹只既因休哥
斜軫類見其功所謂失之東隅收之桑榆若蕭幹海里拒
察割之招討古吉海思之變則不止有戰功而已其視善
補畏懦豈不優哉

列傳第十四

列傳第十四

蕭撻凜字馳寧思溫之再從姪父朮魯列善相馬應曆間

為馬群侍中撻凜幼敦厚有才略通天文儼寧初為宿直

官累任薺劇統和四年宋楊繼業率兵由代州來侵攻陷

城邑撻凜以諸軍副部署從樞密使耶律斜軫敗之擒繼

業于朔州六年秋改南院都監從駕南征攻沙堆力戰被

創太后嘗親臨視明年加右監門衛上將軍檢校太師遙

授彰德軍節度使十一年與東京留守蕭恒德伐高麗破

列傳第十五

元開府儀同三司上柱國前中書右丞相監修國史

京然軍都總裁臣脫脫修

其德王

其軍于

其軍于

其軍于

其軍于

其軍于

其軍于

其軍于

之高麗稱臣奉貢十二年夏人梗邊皇太妃受命總烏古
及求興官分軍討之撻凜為阻卜都詳穩凡軍中號令太
妃並委撻凜師還以功加兼侍中封闡陵郡王十五年敵
烈部人殺詳穩而叛遁于西北荒撻凜將輕騎逐之因討
阻卜之未服者諸蕃歲貢方物充于國自後往來若一家
焉上賜詩嘉獎仍命林牙耶律昭作賦以述其功撻凜以
諸部叛服不常上表乞建三城以絕邊患從之俄召為南
京統軍使二十年復伐宋擒其將王先知破其軍于遂城
下祁州上手詔獎諭進至澶淵宋主軍於城隍間未接戰
撻凜按視地形取宋之羊觀鹽堆鳧鴈中伏弩卒明日轉

車至太后哭之慟輟朝五日子愷古

南京統軍使

蕭觀音奴字耶寧奚王搭紇之孫統

和十二年為右祗候

郎君班詳穩遷奚六部大王先是俸

秩外給獐鹿百數皆

取於民觀音奴奏罷之及伐宋與蕭

撻凜為先鋒降祁州

下德清軍上加優賞同知南院事卒

其宗文聞未及子易

耶律題子字勝隱北府宰相兀里之

孫善射工畫保寧間

為御蓋郎君九年奉使于漢具言兩

國通好長久之計其

主繼元深加禮重統和二年將兵與

西邊詳穩耶律速撒

討陀羅斤大破之四年宋將楊繼業

陷山西城邑題子從

北院樞密使耶律斜軫擊之敗賀令

圖於定安授西南面

招討都監宋兵守蔚州急召外援題子聞之夜伏兵道傍
黎明宋兵果來過未半而擊之城中軍出斜軫復邀之兩
軍俱潰奔飛狐地隘不得進殺傷甚眾賀令圖復集敗卒
來襲蔚州題子逆戰破之應州守將自遁進圍寰州冒矢
石登城宋軍大潰當斜軫擒繼業于朔州題子功居多是
年冬復與蕭撻凜由東路擊宋俘獲甚眾後聞宋兵屯易
州率兵逆之至易境而卒初題子破令圖宋將有因傷而
仆題子繪其狀以示宋人咸嗟神妙
耶律諧理字烏古鄰突舉部人統和五年宋將楊繼業來
攻山西諧理從耶律斜軫擊之常居先鋒偵候有功是歲

伐宋宋人拒於濠汜河諧理率精騎便道先濟獲其將康
保威以功詔世預節度使選太平元年稍遷本部節度使
六年從蕭惠攻甘州不克會阻卜攻圍三剋軍諧理與都
監耶律涅魯古往救至可敦城西南遇敵不能陣中流矢
卒

耶律奴瓜字延寧太祖異母弟南府宰相蘇之孫有膂力
善調鷹隼統和四年宋揚繼業來侵奴瓜為黃皮室紮都
監擊敗之盡復所陷城邑軍還加諸衛小將軍及伐宋有
功遷黃皮室詳穩六年再舉將先鋒軍敗宋游兵于定州
為東京統軍使加金紫崇祿大夫從奚王和朔奴伐兀惹

以戰失利削金紫崇祿階十九年拜南府宰相二十一年復伐宋擒其將王繼忠于望都俘殺甚衆以功加同政事門下平章事二十六年為遼興軍節度使尋復為南府宰相開泰初加尚父卒

蕭柳字徒門淳欽皇后弟阿古只五世孫幼養于伯父排押之家多知能文膂力絕人統和中叔父恒才詔入侍衛十七年南伐宋將范庭召列方陣而待時皇弟隆慶為先鋒問諸將佐誰敢當者柳曰若為之先隆慶授以甲騎柳攬轡謂諸將曰陣攻遂馳而前敵少却隆慶席勢攻之南軍遂

亂柳中流矢為四軍丘馬

都指揮使明年為北女直詳穩政濟寬猛邛

路統軍使秩蒲百姓願留復任許之從伐高

麗遇大蛇當

路前驅者請避柳曰壯士安懼此技劔斷蛇

師還致仕柳

好滑稽雖君臣燕飲詎諧無所忌時人比之

俳優臨終謂

人曰吾少有致君志不能直遂故以諧進輩

萬有一補俳

優名何避頃之被寢衣而坐呼曰吾去矣言

訖而逝耶律

觀音奴集柳所著詩千篇目曰歲寒集

晉為閣門使

高勳字鼎臣晉北平王信輔之子性通敏仕

會同九年與杜重威來降太宗入汴授四方

貴能服勤大臣多推譽之天祿間為樞密使總漢軍事五年劉崇遣使來求封冊詔勳冊崇為大漢神武皇帝應曆初封趙王出為上京留守尋移南京會宋欲城益津勳上書請假巡徼以擾之帝然其奏宋遂不果城十七年宋略地益津關勳擊敗之知南院樞密使景宗即位以定策功進王秦保寧中以南京郊內多隙地請疏畦種稻帝欲從之林牙耶律昆宣言於朝曰高勳此奏必有異志果令種稻引水為畦設以京叛官軍何自而入帝疑之不納尋遷南院樞密使以毒藥餽駙馬都尉蕭燧里事覺流銅州尋又謀害尚書令葛爾思溫詔獄誅之沒其產皆賜思溫家

奚和朔奴字篤寧奚可汗之裔保寧中為奚六部長統和初皇太后稱制以耶律休哥領南邊事和朔奴為南面行軍副部署四年宋曹彬米信等來侵和朔奴與休哥破宋兵于燕南手詔褒美軍還枯權擿無罪人李浩至死上以其功釋之冬南征將本部軍由別道進擊敵軍於狼山俘獲甚衆八年上表曰臣竊見太宗之時奚六部二宰相二常袞命大常袞班在酋長左右副常袞總知酋長五房族屬二宰相匡輔酋長建明善事今宰相職如故二常袞別無所掌乞依舊制從之十三年秋遷都部署伐兀惹駐于鐵驪秣馬數月進至兀惹城利其俘掠請降不許令急

攻之城中大恐皆殊死戰和朔奴知不能克從副部署蕭
 栢德讓掠地東南循高麗北界而還以地還糧絕士馬死
 傷詔降封爵卒子烏也郎君班詳穩字昧鄰歿於姑二常
 蕭塔列葛字雄隱五院部人八世祖只魯遙輦氏時嘗為
 虞人唐安祿山來攻只魯戰于黑山之陽敗之以功為北
 府宰相世預其選塔列葛仕開泰間累遷西南面招討使
 重熙十一年使西夏諭伐宋事約元昊出別道以會十二
 年改右夷裔畢同知南京留守轉左夷裔畢俄授東京留
 守以世選為北府宰相卒子烏也郎君中書重熙時為西南面
 耶律撒合字率懶乙室部人南府宰相歐禮斯子天祿間
 始仕應曆中拜乙室大王兼知兵馬事乾亨初宋夾侵詔
 以本部兵守南京與北院大王奚底紇軍蕭討古等逆戰
 奚底等敗走獨撒合全軍還上諭之曰拒敵當如此卿勉
 之無憂不富貴加守太保統和間卒
 論曰遼在統和間數舉兵伐宋諸將如耶律諧理奴瓜蕭
 柳等俱有降城擒將之功最後以蕭撻凜為統軍直抵澶
 淵將與宋戰撻凜中弩我兵失倚和議始定或者天厭其
 亂使南北之民休息者耶

列傳第十五

嘉靖八年刊

度使卒合住智而有文曉暢戎政鎮范陽時嘗領數騎徑詣雄州北門與郡將立馬陳兩國利害及周師侵邊本末辭氣慷慨左右壯之自是邊境數年無事識者以謂合住一言賢於數十萬兵忠奉國也引合住八封勳勳報亦
劉景字可大河間人四世祖怵卽木滔之甥唐右僕射盧龍軍節度使父守敬南京副留守景資端厚好學能文燕王趙延壽辟爲幽都府文學應曆初遷右拾遺知制誥爲翰林學士九年周人侵燕留守蕭思溫上急變帝欲俟秋出師景諫曰河北三關已陷于敵今復侵燕安可坐視上不聽會父憂去未幾起復舊職一日召草赦旣成留數月

不出景奏曰唐制赦書日行五百里今稽期弗發非也上亦不報景宗卽位以景忠實擢禮部侍郎遷尚書宣政殿學士上方欲倚用乃書其笏曰劉景可爲宰相頃之爲南京副留守時留守韓匡嗣因扈從北上景與其子德讓共理京事俄召爲戶部使歷武定開遠二軍節度使統和六年致仕加兼侍中卒年六十七贈太子太師子慎行孫一德二玄三嘏四端五常六符皆具六符傳一六讓與車
劉六符父慎行由膳部員外郎累遷至北府宰相監修國史時上多卽宴飲行誅賞慎行諫曰以喜怒加威福恐未當帝悟諭政府自今宴飲有刑賞事翌日稟行爲都統伐

高麗以失軍期下吏議責乃免出爲彰武軍節度使賜保
節功臣子六人一德二玄三嘏四端五常六符德蚤世玄
終上京留守常歷三司使武定軍節度使嘏端符皆第進
士嘏端俱尚主爲駙馬都尉三嘏獻聖宗一矢斃雙鹿賦
上嘉其贍麗與公主不諧奔宋歸殺之四端以衛尉少卿
使宋賀生辰方宴大張女樂竟席不顧人憚其嚴還拜樞
密直學士六符有志操能文重熙初遷政事舍人擢翰林
學士十一年與宣徽使蕭特末使宋索十縣地還爲漢人
行宮副部署會宋遣使增歲幣以易十縣復與耶律仁先
使宋定進貢名宋難之六符曰本朝兵疆將勇海內共知

人人願從事于宋若恣其俘獲以飽所欲與進貢字孰多
况大兵駐燕萬一南進何以禦之顧小節忘大患悔將何
及宋乃從之歲幣稱貢六符還加同中書門下平章事及
宋幣至命六符爲三司使以受之六符與參知政事杜防
有隙防以六符嘗受宋賂白其事出爲長寧軍節度使俄
召爲三司使道宗即位將行大冊禮北院樞密使蕭革曰
行大禮備儀物必擇廣地莫若黃川六符曰不然禮儀國
之大體帝王之樂不奏于野今中京四方之極朝觀各得
其所宜中京行之上從其議尋以疾卒
耶律裏履字海隣六院夷裔董蒲古只之後風神爽秀工

于畫重熙間累遷同知點檢司事駙馬都尉蕭胡覩為夏人所執奉詔索之三返以歸轉求興宮使右祗候郎君班詳穩裏履將娶秦晉長公主孫其母與公主婢有隙謂裏履曰能去婢乃許爾婚裏履以計殺之婚成事覺有司以大辟論裏履善畫寫聖宗真以獻得減坐長流邊戍復以寫真召拜同知南院宣徽事使宋賀正寫宋主容以歸清寧間復使宋主賜宴瓶花隔面未得其真陛辭僅一視及境以像示餞者駭其神妙聞重元亂不即勤王賊平入賀帝責讓之宴酣顧裏履曰重元事成卿必得為上客裏履大慙咸雍中加太子太師卒

李溫舒范陽人剛正尚節義有遠器咸雍中擢進士第滯小官大安初累遷戶部使轉給事中知三司使事國民兼足上以為能加戶部侍郎改三司使壽隆中拜參知政事兼同知樞密院事攝中京留守部民詣闕請真拜從之召為三司使乾統初復參知政事知南院樞密使事五年夏為宋所攻來請和解溫舒與蕭得里底使宋方大燕優人為道士裝索土泥藥爐優曰土必不能和溫舒遽起以手藉土懷之宋主問其故溫舒對曰臣奉天子威命來和若不從則當卷土收去宋人大驚遂許夏和還加中書令卒杜防涿州歸義縣人開泰五年擢進士甲科累遷起居郎

知制誥人以為有宰相器太平中遷政事舍人拜樞密副使重熙九年夏人侵宋宋遣郭禎來告請與夏和上命防使夏解之如約罷兵各歸侵地拜參知政事韓紹芳劉六符忌之防待以誠十二年紹芳等罷愈見信任十二年拜南府宰相防生子帝幸其第賜名王門奴以進奏有誤出為武定軍節度使十四年復召為南府宰相二十一年秋祭仁德皇后詔儒臣賦詩防為冠賜金帶道宗諒陰為大行皇帝山陵使清寧二年上諭防曰朕欲煩以劇務朝廷之事總綱而已頃之卒上歎悼不已賜贈加等官給葬具贈中書令謚曰元肅

于公謂終南府宰相

蕭和尚字洪寧國舅大父房之後忠直多智略開泰初補御蓋郎君昇為內史太醫等局都林牙使宋賀正將宴典儀者告班節度使下和尚曰班次如此是不以大國之使相禮且以錦服為貺如待蕃部若果如是吾不預宴宋臣不能對易以紫服位視執政使禮始定八年秋為唐古部節度使卒弟特末

特末字何寧為人機辨任氣太平中累遷安東軍節度使有能稱十一年召為左祗候郎君班詳穩末幾遷左夷島畢重熙十三年累遷北院宣徽使劉六符使宋索十縣故地

宋請增銀絹十萬兩足以易之歸稱旨加同政事門下平
章事詔城西南渾底甸還復為北院宣徽使卒
耶律合里只字特滿六院夷萬董蒲古只之後重熙中累
遷西南面招討都監充宋國生辰使館于白溝驛宋宴勞
優者朝蕭惠河西之敗合里只曰勝召兵家常事我嗣聖
皇帝俘石重貴至今與中有石家寨惠之一敗何足較哉
宋人慚服帝聞之曰優伶失辭何可傷兩國交好鞭二百
免官清寧初起為懷化軍節度使七年入為北院大王封
肅國公歷遼興軍節度使東北路詳穩加兼侍中致仕卒
合里只明達勤恪懷柔有道置諸賓館及西邊營田皆自
合里只發之

耶律頰的字撒版季父房奴瓜之孫孤介寡合重熙初補
牌印郎君清寧初稍遷知易州去官部民請留許之咸雍
八年改彰國軍節度使上獵大牢古山頰的謁于行宮帝
問邊事對曰自應州南境至天池皆我耕牧之地清寧間
邊將不謹為宋所侵烽埃內移似非所宜道宗然之拜北
面杯牙後遣人使宋得其侵地命頰的往定疆界還拜南
院宣徽使大康四年遷忠順軍節度使尋為南院大王改
同知南京留守事召拜南府宰相賜貞良功臣封吳國公
為北院樞密使廉謹奉公知無不為大安中致仕卒子霞

抹北院樞密副使

論曰耶律合住安邊講好養兵息民其慮深遠矣六符啓
釁邀功豈國家之利哉牛杜頗的合里只輩銜命出使幸
不辱命裹殺入婢以求婚身負罪釁書其主容以異免
死亦可醜也

列傳第十六

列傳第十七

遼傳八十七

元開府儀同三司上柱國前中書右丞相監修國史

都總裁臣脫脫修

蕭孝穆小字胡獨董淳欽皇后弟阿古只五世孫父陶瑰
為國舅詳穩孝穆廉謹有禮法統和二十八年累遷西北
路招討都監開泰元年遙授建雄軍節度使加檢校太保
是年未列等變孝穆擊走之冬進軍可敦城阻卜結五群
牧長查刺阿覩等謀中外相應孝穆悉誅之廼嚴備禦以
待餘黨遂潰以功遷九水諸部安撫使尋拜北府宰相賜
忠穆熙霸功臣檢校太師同政事門下平章事八年還京

師太平二年知樞密院事充漢人行宮都部署三年封燕王南京留守兵馬都總管九年大延琳以東京叛孝穆為都統討之戰于蒲水中軍稍却副部署蕭匹敵都監蕭蒲奴以兩翼夾擊賊潰追敗之于手山北延琳走入城深溝自衛孝穆圍之築重城起樓櫓使內外不相通城中撤屋以爨其將楊詳世等擒延琳以降遼東悉平改東京留守賜佐國功臣為政務寬簡撫納流徙其民安之興宗即位徙王秦尋復為南京留守重熙六年進封吳國王拜北院樞密使八年表請籍天下戶口以均徭役又陳諸部及舍利軍利害從之繇是政賦稍平衆悅九年徙王楚時天下

無事戶口蕃息上富于春秋每言及用取十縣慨然有南伐之志群臣多順旨李穆諫曰昔太祖南伐終以無功嗣聖皇帝仆唐立晉後以重貴叛長驅入汴變馭始旋及來侵軼自後連兵二十餘年僅得和好丞民樂業南北相通今國家比之曩日雖曰富疆然勲臣宿將往往物故且宋人無罪陛下不宜棄先帝盟約時上意已決書奏不報以年老乞骸骨不許十一年復為北院樞密使更王齊薨追贈大丞相晉國王謚曰貞孝穆雖椒房親位高益畏太后有賜輒辭不受妻子無驕色與人交始終如一所薦拔皆忠直士嘗語人曰樞密選賢而用何事不濟若自親煩碎

則大事凝滯矣自蕭合卓以吏才進其後轉効不知大體
歎曰不能移風易俗偷安爵位臣子之道若是乎時稱爲
國寶臣目所著文曰寶老集二子阿刺撒八弟孝先孝忠
孝友各有傳

撒八字周隱七歲以戚屬加左右千牛衛大將軍重熙初
補祗候郎君性廉介風姿爽朗善毬馬馳射帝每燕飲喜
諧謔撒八雖承寵顧常以禮自持時人稱之以柴冊禮恩
加檢校大傅永興宮使總領左右護衛同知點檢司事尚
魏國公主拜駙馬都尉爲北院宣徽使仍總知朝廷禮儀
重熙末出爲西北路招討使武寧郡王居官以治稱清寧

初薨年三十九追封齊王

孝先字延寧小字海里統和十八年補祗候郎君尚南陽
公主拜駙馬都尉開泰五年爲國舅詳穩將兵城東鄙還
爲南京統軍使太平三年爲漢人行宮都部署尋加太子
太傅五年遷上京留守以母老求侍復爲國舅詳穩改東
京留守會大延琳反被圍數月穴地而出延琳平留守上
京十一年帝不豫欽哀召孝先總禁衛事與宗諒陰欽哀
弒仁德皇后孝先與蕭浞卜蕭匹敵等謀居多及欽哀攝
政遙授天平軍節度使加守司徒兼政事令重熙初封楚
王爲北院樞密使孝先以椒房親爲太后所重在樞府好

惡自恣權傾人主朝多側目二年太后與孝先謀廢立事
帝知之勒衛兵出宮召孝先至諭以廢太后意孝先震懼
不能對遷太后于慶州孝先恒鬱鬱不樂四年徙王晉後
為南京留守卒謚忠肅
孝友字捷不衍小字陳留開泰初以戚屬為小將軍太平
元年以大冊加左武衛大將軍檢校太保賜名孝友重熙
元年累遷西北路招討使封蘭陵郡王八年進王陳先是
蕭惠為招討使專以威制西羌諸夷多叛孝友下車厚加
綏撫每入貢輒增其賜物羌人以妥父之寢成姑息諸夷
桀驁之風遂熾議者譏其過中十年加政事令賜劾節宣

庸定遠功臣更王具後以葬兄孝穆孝忠還京師拜南
樞密使加賜翊聖協穆保義功臣進王趙拜中書令丁丑
憂起復北府宰相出知東京留守會伐夏孝友與巡密使
蕭惠失利河南帝欲誅之太后救免復為東京留守徙王
燕改上京留守更王秦清寧初加尚父頃之復留守東京
明年復為北府宰相帝親製誥詞以褒寵之以柴冊恩造
授洛京留守益賜純德功臣致仕進封豐國王坐子胡覲
首與重元亂伏誅年七十三胡覲在逆臣傳
蕭蒲奴字留隱奚王楚不寧之後幼孤貧傭于醫家牧牛
傷人稼數遭笞辱醫者嘗見蒲奴熟寐有蛇透身異之教

以讀書聰敏嗜學不數年涉獵經史習騎射既冠意氣豪邁開泰間選充護衛稍進用俄坐罪黜流烏古部久之召還累任劇遷奚六部大王治有聲太平九年大延琳據東京叛蒲奴為都監將右翼軍遇賊戰蒲水中軍少却蒲奴與左翼軍夾攻之先據高麗女直要衝使不得求援又敗賊于手山延琳走入城蒲奴不介馬而馳追殺餘賊已而大軍圍東京蒲奴討諸叛邑平吼山賊延琳堅守不敢出既被擒蒲奴以功加兼侍中重熙六年改北阻卜副部署再授奚六部大王十五年為西南面招討使西征夏國蒲奴以兵二千據河橋聚巨艦數十艘仍作大鉤人莫測戰

之日布舟于河綿亘三十餘里遣人伺上流有浮物輒取之大軍既失利蒲奴未知適有大木順流而下勢將壞浮梁斷歸路操舟者爭鉤致之橋得不壞明年復西征懸兵深入大掠而還復為奚六部大王致仕卒登東一部蒲奴耶律蒲古字提隱太祖弟蘇之四世孫以武勇稱統和初為涿州刺史從伐高麗有功開泰末為上京內客省副使太平二年城鴨綠江蒲古守之在鎮有治績五年改廣德軍節度使尋遷東京統軍使莅政嚴肅諸部懾服九年大延琳叛以書結保州夏行美執其人送蒲古蒲古入據保州延琳氣沮以功拜惕隱十一年為子鐵驪所弑

夏行美渤海人太平九年大延琳叛時行美總渤海軍于保州延琳使人說欲與俱叛行美執送統軍耶律蒲古又誘賊黨百人殺之延琳謀沮迺嬰城自守數月而破以功加同政事門下平章事錫賚甚厚明年擢忠順軍節度使重熙十七年遷副部署從點檢耶律義先討蒲奴里獲其酋陶得里以歸致仕卒上思其功遣使祭于家

論曰不有君子其能國乎方其擒延琳定遼東一時諸將之功偉矣宜其撫劔抵掌賈餘勇以威天下也蕭孝穆之諫南侵其意防何其弘遠歟是豈瞋目語難者所能知哉至論移風俗為治之本親煩碎為失大臣體又何其深切

著明也為國重臣具矣孝先預弒仁德之謀猶依城社以逃重禮為國巨蠹雖功何議焉

遼傳十七

蕭敵烈字

保州延津使人說欲與俱叛行美統送兵軍耶律

誘賊黨百人殺之延津

政事門下平章事

十七年遷

陶

東

...

...

...

...

列傳第十八 遼史八十八

元開府儀同三司上柱國前中書右丞相監修國史

都總裁 臣脫脫修

蕭敵烈字涅魯袞宰相撻烈四世孫識度弘遠為鄉里推

重始為牛群敞史帝聞其賢召入侍遷國舅詳穩統和三

十八年帝謂群臣曰高麗康肇弒其君誦立誦族兄詢而

相之大逆也宜發兵問其罪群臣皆曰可敵烈諫曰國家

連年征討士卒抗敞况陛下在諒陰年穀不登創痍未復

島夷小國城壘完固勝不為武萬一失利恐貽後悔不如

遣一介之使往問其故彼若伏罪則已不然俟服除歲豐

舉兵未晚時令已下言雖不行識者題之明年同知左夷裔
畢事改右夷裔畢開泰初率兵巡西邊時夷裔董部下聞
撒狻撲里失室勃葛率部民遁敵烈追擒之令復業遷國
舅詳穩從樞密使耶律世良伐高麗還加同政事門下平
章事拜上京留守敵烈爲人寬厚達政體廷臣皆謂有王
佐才漢人行官都部署王繼忠薦其材可爲樞密使帝疑
其黨而止爲中京留守卒族子忽古有傳弟拔刺
拔刺字別勒隱多智善騎射開泰間以兄爲右夷裔畢始
補郎君累遷奚六部禿里太尉太平末大延琳叛拔刺將
北南院兵往討遇于蒲水南院兵少却至手山復與賊遇
拔刺乃易兩院旗幟鼓勇力戰破之上聞以手詔褒獎賜
內廐馬重熙中遷四捷軍詳穩謝事歸鄉里數歲起爲昭
德軍節度使尋改國舅詳穩卒

耶律盆奴字胡獨董惕隱涅魯古之孫景宗時爲烏古部
詳穩政尚嚴急民苦之有司以聞詔曰盆奴任方面寄以
細故究問恐損威望尋遷馬群太保統和十六年隱實燕
軍之不任事者汰之二十八年駕征高麗盆奴爲先鋒至
銅州高麗將康肇分兵爲三以抗我軍一營于州西據三
水之會肇居其中一營近州之山一附城而營盆奴率耶
律弘古擊破三水營擒肇李玄蘊等軍望風潰會大軍至

斬三萬餘級追至開京破敵於西嶺高麗王詢聞邊城不
守遁去益奴入開京焚其王宮廼撫慰其民人上嘉其功
遷北院大王薨
蕭排押字韓隱國舅少父房之後多智略能騎射統和初
爲左皮室詳穩討阻卜有功四年破宋將曹彬米信兵于
望都凡軍事有疑每預參決尋總永興宮分紮及舍利搜
刺二皮室等軍與樞密使耶律斜軫收復山西所陷城邑
是冬攻宋隸先鋒圍蒲城率所部先登拔之改南京統軍
使尚衛國公主拜駙馬都尉加同政事門下平章事十三
年歷北南院宣徽使條上時政得失及賦役法上嘉納焉

十五年加政事令遷東京留守二十二年復攻宋將渤海
軍下德清軍後蕭撻凜卒守任南面事宋和議成爲北府
宰相聖宗征高麗將兵由北道進至開京西嶺破敵兵斬
數千級高麗王詢懼奔平州排押入開京大掠而還帝嘉
之封蘭陵郡王開泰二年以宰相知西南面招討使五年
進王東平排押爲政寬裕而善斷諸部畏愛民以殷富時
議多之七年再伐高麗至開京敵奔潰縱兵俘掠而還渡
茶陀二河敵夾射排押委甲仗走坐是免官太平三年復
王薨薨弟恒德
恒德字遜寧有膽略而善謀統和元年尚越國公主拜駙
嘉靖八年六月

馬都尉遷南面林牙從宣徽使耶律阿沒里征高麗還改
北面林牙會宋將曹彬米信侵燕耶律休哥與恒德議軍
事多見信用為東京留守六年上攻宋圍沙堆恒德獨當
一面城上矢石如雨恒德意氣自若督將士奪其裨城陷
中流矢太后親臨視賜藥攻長城口復先登太后益多其
功時高麗未附恒德受詔率兵拔其邊城王始懼上表請
降十一年八月賜啓聖竭力功臣從都部署和朔奴討兀
惹未戰兀惹請降恒德利其俘獲不許兀惹死戰城不能
拔和朔奴議欲引退恒德曰以彼屈疆吾奉詔來討無功
而還諸部謂我何若深入多獲猶勝徒返和朔奴不得已

進擊東南諸部至高麗北鄙比還道遠糧絕士馬死傷者
衆坐是削功臣號十四年為行軍都部署伐蒲廬毛朶部
還公主疾太后遣宮人賢釋侍之恒德私馬公主恚而薨
太后怒賜死後追封蘭陵郡王子匹敵本名昌裔
匹敵字蘇隱一名昌裔生未月父母俱死育于禁掖既長
尚秦晉王公主拜駙馬都尉為殿前副點檢統和八年改
北面林牙太平四年遷殿前都點檢出為國舅詳穩九年
渤海大延琳叛劫掠鄰部與南京留守蕭孝穆往討孝穆
欲全城降乃築重城圍之數月城中人陰來納款遂擒延
琳東京平以功封蘭陵郡王十一年聖宗不豫先是欽哀

與仁德皇后有隙以匹敵嘗為后所愛忌之時護衛馮家
 奴上變誣弟公主竊聞其謀謂匹敵曰爾將無罪被戮與其死何若奔
 女直國以全其生匹敵曰朝廷詎肯以飛語害忠良寧死
 弗適他國及耶律資忠字次衍小字札刺系出仲父房兄國留善屬文
 聖宗重之時妻弟之妻阿古與奴通將奔女直國國留追
 及奴殺之阿古自經阿古母有寵于太后事聞太后怒將
 殺之帝度不能救遣人訣別問以後事國留謝曰陛下憫
 臣無辜恩漏九泉死且不恨既死人多冤之在獄著兔賦

寤寐歌為世所稱資忠博學工辭章年四十未仕聖宗知其
 賢召補宿衛數問以古今治亂資忠對無隱開泰中授
 中丞眷遇日隆初高麗內屬取女直六部地以賜至是貢
 獻不時至詔資忠往問故高麗無歸地意由是權貴數短
 於上出為上京副留守四年再使高麗留弗遣資忠每懷
 君親輒有著述號西亭集帝與群臣宴時一記憶曰資忠
 亦有此樂乎九年高麗上表謝罪始送資忠還帝郊迎同
 載以歸命大臣宴勞留禁中數日謂曰朕將屈卿為樞密
 何如資忠對曰臣不才不敢奉詔乃以為林牙知楊隱事
 初資忠在高麗也弟昭為著帳郎君坐罪沒家產至是乃

復橫帳且還舊產詔以外戚女妻之是時樞密使蕭合卓
少帥蕭把哥有寵資忠不肯俛附詆之帝怒奪官數歲出
知來遠城事歷保安昭德二軍節度使聖宗崩表請會葬
既至伏梓宮大慟曰臣幸遇聖明橫被構譖不獲盡犬馬
報氣絕而蘇興宗命醫治疾久之言國舅侍中無憂國心
陛下不當復用唐景福舊號於是用事者惡之遣歸鎮卒
弟昭有傳

耶律瑤質字拔里董積慶營人父侯古室常部節度使瑤
質篤學廉介有經世志統和十年累遷至積慶宮使聖宗
嘗諭瑤質曰聞卿正直是以進用國有利害爾言宜無所

隱由是所陳多見嘉納上征高麗破康肇軍于銅州瑤質
之力為多王詢乞降群臣議皆謂宜納瑤質曰王詢始一
戰而敗遽求納款此詐耳納之恐墮其姦計待其勢窮力
屈納之未晚已而詢果遁清野無所獲其衆阻險而壘攻
之不下瑤質以計降之擢拜四蕃部詳穩時招討使耶律
頗的為總管瑤質恥居其下上表曰臣先朝舊臣今既垂
老乞還新命覬得常侍左右帝曰朕不使汝久處是任且
命無隸招討得專奏事到部戢暴懷善政績顯著卒于官
耶律弘古字益訥隱遼輦鮮質可汗之後統和初嘗以軍
事任為拽刺詳穩尋徙南京統軍使十三年徇地南鄙克

敵於四岳橋斬首百餘級攻宋以戰功遷東京留守封楚國公後伐高麗副先鋒耶律盆奴擒康肇于銅州三十年西北部叛從南府宰相耶律奴瓜討之及興禁軍號令整肅諸部多降尋遷侍中卒
高正不知何郡人統和初舉進士第累遷樞密直學士上將伐高麗遣正先往諭意及還遷右僕射時高麗王詢表請入覲上許之遣正率騎兵千人送之館于路為高麗將卓思正所圍正以勢不可敵與麾下壯士突圍出士卒死傷者眾上悔輕發釋其罪明年遷工部侍郎為北院樞密副使開泰五年卒

耶律的祿字耶寧仲父房之後習兵事為左皮室詳穩統和二十八年伐高麗的祿率本部軍與盆奴等擒康肇李玄蘊于銅州帝壯之曰以卿英才為國戮力真吾家千里駒也乃賜御馬及細鎧明年為北院大王出為烏古敵烈部都詳穩年七十二卒

大康又渤海人開泰間累官南府宰相出知黃龍府善綏撫東部懷服榆里底乃部長伯陰與榆烈比來附送于朝且言蒲盧毛朶界多渤海人乞取之詔從其請康又領兵至大石河馳隼城掠數百戶以歸未幾卒
論曰高句驪弒其君誦而立詢遼興問罪之師宜其篋食

臺乘以迎除舍以待而廼乘險旅拒俾智者竭其謀勇者窮其力雖得其要領而顛顛獨居一海之中自若也豈服人者以德而不以力歟况乎殘毀其宮室係累其民人所謂以燕伐燕也歟嗚呼朱崖之棄捐之之力也敵烈之諫有焉又憐其人關秦間恩官南郡幸昧出賦黃請林善

列傳第十九

遼史八十九

元開府儀同三司上柱國前中書右丞相監修國史

都總裁 臣 脫脫修

耶律庶成字喜隱小字陳六季父房之後父吳九檢校太師庶成幼好學書過目不忘善遼漢文字於詩尤工重熙初補牌印郎君累遷樞密直學士與蕭韓家奴各進四時逸樂賦帝嗟賞初契丹醫人鮮知切脉審藥上命庶成譯方脉書行之自是人皆通習雖諸部族亦知醫事時入禁中參決疑議借林牙蕭韓家奴等撰實錄及禮書與樞密副使耶律德修定法令上詔庶成曰方今法令輕重不倫

唐書八卷列傳卷之八

法令者為政所先人命所繫不可不慎卿其審度輕重從
宜修定庶成參酌古今刊正訛謬成書以進帝覽而喜之
庶成方進用為妻胡篤所誣以罪奪官絀為庶耶律使吐
蕃凡十二年清寧間始歸帝知其誣詔復本族仍遷所奪
官卒庶成嘗謂林牙夢善卜者胡呂古卜曰官止林牙因
妻得罪及置於理法富離婚胡篤適有娠至期不產而死
剖視之其子以手抱心識者謂誣夫之報有詩文行于世
弟庶箴

庶箴字陳甫善屬文重熙中為本族將軍咸雍元年同知
東京留守事俄徙烏衍突厥部節度使九年知薊州事明

年遷都林牙上表乞廣本國姓氏曰我朝創業以來法制
修明惟姓氏止分為二耶律與蕭而已始太祖制契丹大
字取諸部鄉里之名續作一篇著于卷末臣請推廣之使
諸部各立姓氏庶男女婚媾有合典禮帝以舊制不可遽
釐不聽大康二年出耶律乙辛為中京留守庶箴與耶律
孟簡表賀頌之乙辛復為樞密使專權恣虐庶箴私見乙
辛泣曰前抗表非庶箴之願也乙辛信其言乃得自安聞
者鄙之八年致仕卒子蒲魯

蒲魯字乃展幼聰悟好學甫七歲能誦契丹大字習漢文
末十年博通經籍重熙中舉進士第主文以國制無契丹

試進士之條聞于上以庶箴擅令予就科目鞭之二百尋
命蒲魯為牌印郎君應詔賦詩立成以進帝嘉賞顧左右
曰文才如此必不能武事蒲魯奏曰臣自蒙義方兼習騎
射在流輩中亦可周旋帝未之信會從獵三矢中二兔帝
奇之轉通進是時父庶箴嘗寄戒諭詩蒲魯答以賦衆稱
其典雅寵遇漸隆清寧初卒

楊哲字昌時安次人幼通五經大義聖宗聞其穎悟詔試
詩授祕書省校書郎太平十一年擢進士乙科為著作佐
郎重熙十二年累遷樞密都承旨權度支使登對稱旨進
樞密副使歷長寧軍節度使山西路轉運使知興中府清

寧初入知南院樞密使與姚景行同總朝政請行柴冊禮
封趙國公以足疾復知興中府咸雍初徙封齊名賜同德
功臣尚書左僕射兼中書令拜樞密使改封晉給宰相樞
密使兩廳僚從封趙王屢請歸政益賜保節功臣致仕大
康五年例改遼西郡王薨

耶律韓留字速寧仲父隋國王之後有明識篤行義舉止
嚴重工為詩統和間召攝御院通進開泰三年稍遷烏古
敵烈部都監俄知詳穩事敵烈部叛將宮分軍從樞密使
耶律世良討平之加千牛衛大將軍重熙元年累遷至同
知上京留守改奚六部充里太尉性不苟合為樞密使蕭

解里所忌上欲召用韓留解里言目病不能視議遂寢四年召爲北面林牙帝曰朕早欲用卿聞有疾故待之至今韓留對曰臣昔有目疾才數月耳然亦不至于昏第臣爲拙不能事權貴是以不獲早覩天顏非陛下聖察則愚臣豈有今日耶詔進述虛詩上嘉歎方將大用乎

楊佶字正叔南京人幼穎悟異常讀書自能成句識者竒之弱冠聲名籍甚統和二十四年舉進士第一歷校書郎大理正開泰六年轉儀曹郎典掌書命加諫議大夫出知易州治尚清簡徵發州會必信入爲大理少卿累遷翰林學士文章號得體八年燕地饑疫民多流殍以佶同知南

京留守事發倉廩振乏絕貧民鬻子者計傭而出之未遣梅詢賀千齡節詔佶迎送多唱酬詢每見稱賞復爲翰林學士重熙元年陞翰林學士承旨丁母憂起復工部尚書歷忠順軍節度使朔武等州觀察處置使天德軍節度使加持進檢校太師同中書門下平章事後拜參知政事兼知南院樞密使十五年出爲武定軍節度使境內亢旱苗稼將槁視事之夕雨澤霑足百姓歌曰何以蘇我上天降雨誰其撫我楊公爲主灤陽水失故道歲爲民害乃以已僦創長橋人不病涉及被召郡民攀轅泣送上御清涼殿宴勞之即日除吏部尚書兼門下侍郎同中書門下平章

事上曰卿今日何減呂望之遇文王佶對曰呂望比臣遭際有十年之晚上悅其居相位以進賢為己任事總大綱責成百司人人樂為之用三請致政許之月給錢粟僕隸四時遣使存問卒有登瀛集行于世

耶律和尚字特抹系出季父房善滑稽重熙初補祗候郎君時帝篤于親親凡三父之後皆序父兄行第於和尚尤狎愛然每侍宴飲雖詼諧未嘗有一言之過由是上益重之歷積慶永興宮使累遷至同知南院宣徽使事南面林牙十六年出為懷化軍節度使俄召為御史大夫二十三年因大冊加天平軍節度使檢校太師徙中京路案問使

卒和尚雅有美行數以財恤親友人皆愛重然嗜酒不事事以故不獲柄用或以為之曰吾非不知顧人生如風燈石火不飲將何為晚年沈酒尤甚人稱為酒仙云論曰庶成定法令治民者不容高下其手庶箴雖嘗表請廣姓氏以秩典禮其隨勢俯仰則有愧於其子蒲魯吳楊哲為上寵遇迭封王爵而功業不少槩見然得愛民治國之要其楊信哉

列傳第十九

天顯十一年日何款曰聖之過文王信對曰曰豈尤且
 之要其財計若卒有欲亂者行下世
 晉為土窟愚志桂王鏡而少業不火其具然野愛月出因
 更抄天以林典豐其朝變而中限百則於其子南宮吳封
 論曰親如女志令欲用者不容高下其手然猶觀營素
 登云火不燒誰何盛朝手志回大其入辨燕西山云
 事必姑不難勝用也以為言答曰昔非不味雖入主收雁
 卒味尚罪有美行嫂以規心時友入皆愛重然其書不事

列傳第二十

遼史九十

元開府儀同三司上柱國前中書右丞相監修國史

都總裁臣脫脫修

蕭阿刺字阿里懶北院樞密使孝穆之子也幼養宮中興
 宗尤愛之重熙六年為弘義宮使累遷同知北院樞密其
 加同中書門下平章事出為東宮留守二十一年拜西北
 路招討使封西北郡王尋尚秦晉國王公主拜駙馬都尉
 清寧元年遺詔拜北府宰相兼南院樞密使進王韓明年
 改北院樞密使徙王陳與蕭革同掌國政革諂諛不法阿
 刺爭之不得告歸上由此惡之除東京留守會行瑟瑟禮

入朝陳時政得失革以事中傷帝怒益殺之皇太后營救不及大慟曰阿刺何罪而遽見殺帝乃優加賻贈葬乾陵之赤山阿刺性忠果曉世務有經濟才議者以謂阿刺若在無重元乙辛之亂上尊尚素習國王公生拜禮遇皆保耶律義先于越仁先之弟也美風姿舉止嚴重重熙初補祇候郎君班詳穩十三年車駕西征爲十二行紮都監戰功最改南院宣徽使時蕭革同知樞密院事帝寵擅權義先疾之因侍讌言于帝曰革狡佞喜亂一朝大用必誤國家言甚激切不納它日侍宴上命群臣博負者罰一巨觥義先當與革對慙然曰臣縱不能進賢退不肖安能與國

賊博哉帝止之曰卿醉矣義先厲聲詆不已上大怒賴皇
后救得解翌日上謂革曰義先無禮當黜之革對曰義先
天性忠直今以酒失而出誰敢言人之過上謂革忠直益
加信任義先鬱鬱不自得然議事未嘗少沮又於上前博
義先祝曰向言人過冒犯天威今日一擲可表愚款俄得
堂印上愕然十六年爲殿前都點檢討蒲奴里多所招降
獲其酋長陶得里以歸手詔褒獎以功改南京統軍使封
武昌郡王奏請統軍可錢營息以贍貧民未期軍器完整
民得休息二十一年拜惕隱進王富春薨年四十二義先
常戒其族人曰國中三父房皆帝之昆弟不孝不義尤不

可為其接下無貴賤賢否皆與均禮其妻晉國長公主之
女每遇中表親非禮服不見故內外多化之清寧間追贈
許王弟信先蕭陶隗字烏古鄰宰相轄特六世孫剛直有威重咸雍初
信先興宗以其父瑰引為刺血友幼養于宮善騎射重熙
十四年為左護衛太保同知殿前點檢司事十八年兼右
祗候郎君班詳穩上問所欲信先曰先臣瑰引與陛下分
如同氣然不及王封儻使蒙恩地下臣願畢矣上曰此朕
遺忘之過追封燕王是年從蕭惠伐夏敗於河南例被責
清寧初為南面林牙卒蕭陶隗字烏古鄰宰相轄特六世孫剛直有威重咸雍初

任馬群太保素知群牧名在貫亡悉閱舊籍除其羸病錄
其實數牧人畏服陶隗上書曰群牧以少為多以無為有
上下相蒙積弊成風不若括見真數著為定籍公私兩濟
從之畜產歲以蕃息大康中累遷契丹行宮都部署上嘗
謂群臣曰比樞密院軍國重任久闕其人耶律阿思蕭幹
特刺二人孰愈群臣各譽所長陶隗獨默然上問卿何不
言陶隗曰訛特刺懦而敗事阿思有才而貪將為禍基不
得已而用敗事猶勝基禍上曰陶隗雖魏徵不能過但恨
吾不及太宗爾然竟以阿思為樞密使由是阿思銜之九
年西園不寧阿思奏曰邊隅事大可擇重臣鎮撫上曰陶

隗何如阿思曰誠如聖旨遂拜西南面招討使阿思陰與蕭阿忽帶誣奏賊掠漠南牧馬及居民畜產陶隗不急追捕罪當死詔免官久之起為塌母城節度使未行疽發背卒陶隗負氣怒則須髯輒張每有大議必毅然決之雖上有難色未嘗遽已見權貴無少屈竟為阿思所陷時人惜之二子曰圖木轄式阿思死始獲進用入相轄阿思子蕭塔刺葛字陶晒六院部人素剛直太祖時坐叔祖臺晒謀殺于越釋魯沒入弘義宮世宗即位以舅氏故出其籍補國舅別部啟史或言泰寧主察割有無君心塔刺葛曰彼縱忍行不義人孰肯從他日侍宴酒酣塔刺葛捉察割耳強飲之曰上固知汝傲很然以國屬曲加矜憫使汝在左右且度汝才何能為若長惡不悛徒自取赤族之禍察割不能答強笑曰何戲之虐也天祿末塔刺葛為北府宰相及察割作亂塔刺葛醉詈曰吾悔不殺此逆賊尋為察割所害

耶律敵祿字陽隱孟父楚國王之後性質直多膂力察割作亂敵祿聞之入見壽安王慷慨言曰願得精兵數百破賊黨王嘉其忠穆宗即位為北院宣徽使上以飛狐道狹詔敵祿廣之明年將兵援河東至太原與漢王會于高平擊周軍敗之仍降其衆析代二州叛將兵討之會耶律撻

徒北面林牙眷遇優異重熙六年改北院大王政務寬仁復為左夷離畢十二年再為北院大王入朝帝從容謂曰卿守邊任重當實府庫振貧乏以報朕既受詔愈竭忠謹知無不言便益為多卒年五十五上聞悼惜死之日篋無舊絮旒無新衣遣使弔祭給葬具韓八平居不屑細務喜愠不形嘗失所乘馬家僮以同色者代之數月不覺

耶律唐古字敵隱于越屋質之庶子廉謹書屬文統和二十四年述屋質安民治盜之法以進補少將軍遷西南面巡檢歷豪州刺史唐古部詳穩嚴立科條禁姦民鬻馬於宋夏界因陳弭私販安邊境之要太后嘉之詔邊境遵行

著為令朝議欲廣西南封城黑山之西綿亘數千里唐古言成壘太遠卒有警急赴援不及非良策也從之西蕃來侵詔議守禦計命唐古勸督耕稼以給西軍田于臚胸河側是歲大熟明年移屯鎮州凡十四稔積粟數十萬斛斗米數錢重熙間改隗衍党項部節度使先是築可敦城以鎮西域諸部從民畜牧反招寇掠重熙四年上疏曰自建可敦城已來西蕃數為邊患每煩遠戍歲月既久國力耗竭不若復守故疆省罷戍役不報是年致仕乞勒其父屋質功于石帝命耶律庶成製文勒石上京崇孝寺卒年七

十八

順治十六年刊

卷二十一

二

蕭木哲字石魯隱孝穆弟高九之子以戚屬加監門衛上將軍重熙十三年將衛兵討李元昊有功遷興聖宮使蒲奴里部長陶得里叛木哲爲統軍都監從都統耶律義先擊之擒陶得里木哲與義先不協誣義先罪免官稍遷西南面招討都監坐事下獄以太后言杖而釋之清寧初爲國舅詳穩西北路招討使私取官粟三百斛及代留畜產令主者鬻之以償後族弟胡覩到部發其事帝怒決以大杖免官尋起爲昭德軍節度使徵爲北院宣徽使九年上以木哲先爲招討威行諸部復爲西北路招討使訓士卒增器械省追呼嚴號令人不敢犯邊境晏然十年入朝封

柳城郡王咸雍二年拜北府宰相爲北院樞密使耶律乙辛所忌誣木哲與護衛蕭忽古等謀害乙辛詔獄無狀罷相出鎮順義軍卒追王晉宋梁三國姪藥師奴

藥師奴幼穎悟謹禮法補祗候郎君大康中爲興聖宮使累遷同知殿前點檢司事上嘉其宿衛嚴肅遷右夷鹵畢夏王寧乾順爲宋所攻求解帝命藥師奴持節使宋請罷兵通好宋從之拜南面林牙改漢人行官副部署乾統初出爲安宋重節度使卒

耶律玠字吾展遙董鮮質可汗之後重熙初召修國史補符寶郎累遷知北院副部署事入見太后后顧左右曰先

皇謂玦必為偉人果然除樞密副使出為西南面招討都
監歷同發南京留守事南面林牙皇弟秦國王為遼興軍
節度使以玦同知使事多所匡正十年復為樞密副使咸
雍初兼北院副部署及秦國王為西京留守請玦為佐從
之歲中獄空者三召為孟父房敞隱玦不喜貨殖帝知其
貧賜官戶十營請宰相曰契丹忠正無如玦者漢人則劉
伸而已然熟察之玦優於伸先是西北諸部人不能平上
遣玦問狀執弛慢者痛繩之以酒疾卒
耶律僕里篤字燕隱六院林牙突呂不也四世孫開泰間
為本班即君有捕盜功樞密使蕭朴薦之遷率府率太平

中同知南院宣徽事累遷彰聖軍節度使十六年知輿中
府以獄空聞十八年伐夏攝西南面招討使十九年夏人
侵金肅軍敗之斬首萬餘級加右武衛上將軍時近邊群
牧數被寇掠遷倒塌嶺都監以治之桴鼓不鳴二十年知
金肅軍事宰相趙惟節總領邊城橋道芻粟請貳帝命僕
里篤副之以稱職聞清寧初歷長寧匡義二軍節度使致
仕咸雍間卒子阿固質終倒塌嶺都監

論曰韓八因帝微行才始見售及任以事落落知大體不
負上之知矣唐古朮哲經略西北邊勸農積粟訓練士卒
敵人不敢犯玦以忠直自稱於上僕里篤以幹敏為宰相

佐在鎮俱以獄空聞之數入者豈特甲冑之士抑亦李牧程不識之亞歟

論曰韓八因帝憐其才故見書及以公事

出右參閤卒于國固實為國賦窮精竭

里無隔之以辭鄉閭青雲以望其寧

金肅軍軍卒時鼓動海

外邊如家許幾

金肅軍軍卒時鼓動海

初以憐空聞十八年

列傳第二十二

列傳第二十二

遼史九十二

元開府儀同三司上柱國前中書右丞相監修國史

都總裁臣脫脫修

蕭奪刺字接懶遙釐注可汗宮人祖涅魯古北院樞密副

使父撒抹字胡獨董重熙初補祗候即君累遷北面林牙

十九年從耶律宜新蕭蒲奴伐夏至蕭惠敗績之地獲偵

候者知人煙聚落多國人陷沒而不能還者盡俘以歸拜

大父敬穩知山北道邊境事清寧初歷西南面西北路招

討使加同中書門下平章事卒奪刺體貌豐偉騎射絕人

由祗候即君嚙漢人行宮副部署後為烏古敵烈統軍使

克敵有功加龍虎衛上將軍授西北路招討使因陳北邊
利害請以本路諸部與倒塌嶺統軍司連兵屯戍再表不
納改東北路統軍使乾統元年以久練邊事復為西北路
招討使北阻卜耶剌率鄰部來侵奪刺逆擊追奔數十
里二年乘耶剌無備以輕騎襲之獲馬萬五千疋牛羊
稱是先是有詔方面無事招討副統軍都監內一員入覲
是時同僚皆闕奪刺以軍事付幕吏而朝坐是免官改西
京留守復為東北路統軍卒于官

蕭普達字彈隱統和初為南院承旨開泰六年出為烏古
部節度使七年敵烈部叛討平之徙烏古敵烈部都監置

敵烈騎平取北阻卜名馬以獻賜詔優獎重熙初改為古
敵烈部都監統諸蕃有功普達深練邊事能以悅使人
有所俘獲悉散麾下由是大得衆心歷西南面招討使克
項叛入西夏普達討之中流矢歿于陣帝聞惜之賻贈加
厚

耶律侯哂字禿寧北院夷离董蒲古只之後祖查只北院
大土父忽古黃皮室詳穩侯哂初為西南巡邊官以廉潔
稱遷南京統軍使尋為北院大王重熙十一年党項部
人叛入西夏侯哂受詔巡西邊沿河要地多建城堡以
鎮之徙東京留守三年與知府蕭歐里斯討蒲盧毛朵

部有功加兼侍中致仕卒與映秋蕭洞里淇信蘇寧等
耶律古昱字磨魯董北院林牙突呂不四世孫有營力工
馳射開泰間為烏古敵烈部都監會部人叛從樞密使耶
律世良討平之以功詔鎮撫西北部教以種樹畜牧不數
年民多富實中京盜起命古昱為巡邏使悉擒之上親征
渤海將黃皮室軍有破敵功累遷御史中丞尋授開遠軍
節度使徙鎮歸德二十一年改天成軍節度使卒于官年
七十贈同中書門下平章事二子宜新兀沒宜新重熙間
從蕭惠討西夏惠敗績宜新一軍獨全拜北院大王兀沒
天康三年為漢人行宮副部署乙辛誣害太子詞連兀沒
帝釋之是秋乙辛復去與蕭楊九私議宮壺事被害乾統
間贈同中書門下平章事

耶律獨攬字胡獨董太師古昱之子重熙初為左護衛將
禁兵從伐夏有功授十二行紕司徒再舉伐夏獨攬括山
西諸郡馬還遷拽刺詳德西南未平命獨攬同知金肅軍
事夏人來侵擊敗之進涅刺奧隗部節度使清寧元年召
為皇太后左護衛太保四年改寧遠軍節度使東路錢奏
振之歷五國烏古部遼興軍三鎮節度使四捷軍詳穩大
康元年卒追贈同中書門下平章事子阿思有傳
蕭韓家國舅之族性端簡謹愿動循禮法清寧中為護衛

太保大康二年遷知北院樞密副使三年經畫西南邊天
池舊斬立堡砦正疆界刻石而還為漢人行宮都部署是
年秋獵墮馬卒

蕭烏野字草隱其先出臨興聖宮分觀察使塔里直之孫也
性孝悌尚禮法雅為鄉黨所稱重熙中補護衛興宗見其
勤恪遷護衛太保佐耶律仁先平重元亂以功加團練使
時敵烈部數為鄰部侵擾民多困弊命烏野為敵烈部節
度使恤困窮首徭役不貳月部人以安尋以母老歸養于
家母亡尤極哀毀服闋麻苴官興聖延慶二宮使卒

論曰烏古敵烈大部也奎刺為統軍克敵有功普達居詳
穆悅以使人西北重鎮也侯哂巡邊以廉稱古是鎮撫而
民富獨擯駐金肅而夏人不敢東獵噫部人內附方面以
寧雖朝廷處置得宜而諸將之力抑亦何可少哉

列傳第二十二

直刺後期王斬以徇進至甘州攻圍三日不克而還時直刺之子聚兵來襲阻卜酋長烏八密以告惠未之信會西阻卜叛襲三克軍都監涅魯古突舉部節度使諧里阿不呂等探兵三千來救遇敵于可敦城西南諧理阿不呂戰歿士卒潰散惠倉卒列陣敵出不意攻我營衆請乘時奮擊惠以我軍疲勞未可用弗聽烏八請以夜斫營惠又不許阻卜歸惠乃設伏兵擊之前鋒始交敵敗走惠爲招討累年屢遭侵掠士馬疲困七年左遷南京侍衛親軍馬步軍都指揮使尋遷南京統軍使興宗即位知興中府歷順義軍節度使東京留守西南面招討使加開府儀同三司

檢校太師兼侍中封鄭王賜推誠協謀竭節功臣重熙六年復爲契丹行宮都部署加守太師從王趙拜南院樞密使更王宗晉是時帝欲一天下謀取三關集群臣議惠曰兩國疆弱聖慮所悉宋人西征有年師老民疲陛下親率六軍臨之其勝必矣蕭孝穆曰我先朝與宋和好無罪伐之其曲在宋元勝敗未可知逆料願陛下熟察帝從惠言迺遣使宗宋之誠會諸軍于燕惠與太弟帥師壓宋境宋人重失十城遣使請和惠以首事功進王韓十二年兼北府宰相同知元帥府事又爲北樞密使十三年夏國李元昊誘山崗完項諸部帝親征元昊懼請降惠曰元昊忘奕世

思善策計車駕親臨不盡歸所掠天誘其衷使彼來迎天
與不圖後悔何及帝從之詰曰進軍夏人列拒馬于河西
敵意以上惠擊敗之元昊走惠麾先鋒及右翼邀之夏人
千餘潰圍出我師逆擊大風忽起飛沙眯目軍亂夏人乘
之蹂踐而死者不可勝計詔班師十七年尚弟姊秦晉國
長公主三拜駙馬都尉明年帝復征夏國惠自河南進戰艦
糧船約百數百里既入敵境偵候不還鎧甲載于車軍士
不得乘馬諸將咸詰備不虞惠曰諒祚必自迎車駕何暇
及我無故設備徒自弊耳數日我軍未營候者報夏師至
惠方詰言罪諒祚軍從阪而下惠與麾下不及甲而走

進者射惠幾不免軍士死傷尤衆師還以惠子慈氏奴歿
于陣詔釋其罪十九年請老詔賜肩輿入朝策杖上殿辭
章再上乃許之封魏國王詔冬夏赴行在參決疑議既歸
遣賜湯藥及他賜賚不絕每生日輒賜詩以示尊寵清寧
二年薨年七十四遺命家人薄葬訃聞輟朝三日惠性寬
厚自奉儉薄興宗使惠恣取珍物惠曰臣以戚屬據要地
祿足養廉奴婢千餘不為闕乏陛下猶有所賜貧於臣者
何以待之帝以為然故為將雖數敗衄不之罪也弟虛列
武定軍節度使二子慈氏奴兀古匿兀古匿終北府宰相
慈氏奴字寧隱太平初以戚屬補祗候郎君上愛其勤慎

陞開撒狻加右監門衛上將軍西邊有警授西北路招討
都監領保大軍節度使政濟恩威諸部悅附入爲殿前副
監檢歷烏古敵烈部詳穩征李諒祚爲統軍都監與西北
路招討使敵魯古率蕃部諸軍由北路趨涼州獲諒祚親
屬夏人扼險以拒慈氏奴中流矢卒年五十一贈中書門
下平章事

蕭迂魯字胡突董五院部人父約質歷官節度使迂魯重
熙間爲牌印郎君清寧九年國家既平重元之亂其黨郭
九等亡詔迂魯追捕獲之遷護衛太保咸雍元年使宋議
邊事稱旨知殿前副監檢事五年阻卜叛爲行軍都監擊

敗之俘獲甚衆初軍出止給五月糧過期糧之士卒往往
叛歸迂魯坐失計免官降戍西北部未行會比部兵起迂
魯將烏古敵烈兵擊敗之每戰以身先繇是釋前罪命總
知烏古敵烈部九年敵烈叛都監耶律獨迭以兵少不戰
屯臚朐河敵烈合邊人掠居民迂魯率精騎四百力戰敗
之盡獲其輜重繼聞酋長合宋三千餘騎掠附近部落縱
兵躡其後連戰二日斬數千級盡得被掠人畜而還值敵
烈黨五百餘騎劫捕鷹戶逆擊走之俘斬甚衆自是敵烈
勢沮時敵烈方爲邊患而阻卜相繼寇掠邊人以故疲弊
朝廷以地遠不能時益援軍而使疆圉帖然者皆迂魯力

世帝嘉其功拜左皮室詳穩會宋求天池之地詔迂魯兼
 統兩皮室軍屯太宰古山以備之太康初阻卜叛遷西北
 招討都監從都統耶律趙三征討有功改南京統軍都監
 黃皮至詳穩未幾遷東北路統軍都監卒弟鐸盧幹
 鐸盧幹字撒板幼警悟異常兒三歲失母哭盡哀見者傷
 之及長魁偉沉毅好學善屬文有才幹年三十始仕為朝
 野推重給事北院知聖旨事大康二年乙辛再入樞府鐸
 盧幹素與蕭巖壽善誣以罪謫戍西北部坐皇太子事特
 恩減死仍錮終身在戍十餘年太子事稍直始得歸鄉里
 屏居謝人事一日臨帝聞雉鳴三復孔子詩哉語作古詩

三章見志當時名士稱其高情雅韻不減古人崇隆六年
 卒年六十一乾統初贈彰義軍節度使

蕭圖王字兀衍北府宰相海瓖之子統和初皇太后稱制
 以戚屬入侍尋為烏古部都監討速母縷等部有功遷烏
 古部節度使十九年總領西北路軍事後以本路兵伐甘
 州降其酋長牙懶既而牙懶復叛命討之克肅州盡遷其
 民于土隄口故城師還詔尚金鄉公主拜駙馬都尉加同
 政事令門下平章事上言曰阻卜今已服化宜各分部治
 以節度使上從之自後節度使往往非材部民怨而思叛
 開泰元年七月石烈太師阿里底殺其節度使西奔窩魯

朵城蓋古所謂龍庭單于城也已而阻卜復叛圖王守
敦城勢甚張圖王使諸軍齊射却之屯于窟魯朵城明年
北院樞密使耶律化哥引兵來救圖王遣人誘諸部皆降
帝以圖王始雖失計後得人心釋之仍領諸部請益軍詔
讓之曰叛者既服兵安用益且前日之役死傷甚衆若從
汝謀邊事何時而息遂止會公主坐殺家婢降封郡主圖
王罷使相尋起爲烏古敵烈部詳穩以老代還卒于變古
南京統軍使孫訛篤幹尚三韓郡王合魯之女骨浴公主
終烏古敵烈部統軍使以善戰名于世

耶律鐸軫字敵輦積慶宮人仕統和間性疎簡不顧小節
人初以是短之必後宋分總羸師以從及戰取緋帛被介
冑以自標顯馳突八出入敵陣格殺甚衆太后望見喜召謂
之曰卿勦力如此何患不濟厚賞之由是多以軍事屬任
俄授東北詳穩開泰二年進討阻卜克之重熙間歷東路
統軍使天德軍節度使十七年城西邊命鐸軫相地及造
戰艦因成樓船百二十艘上置兵下立馬規制堅壯稱旨
及西征詔鐸軫率兵由別道進會于河濱敵兵阻河而陣
帝御戰艦絕河擊之大捷而歸親賜卮酒仍問所欲鐸軫
對曰臣幸被聖恩得効駑力萬死不能報國又將何求帝
愈重之手書鐸軫衣裾曰勤國忠君舉世無雙卒于官年

七十子低烈歷觀察節度使

論曰劫遼之謀復三關也蕭惠贊伐宋之舉而宋人增幣

請和狃於一勝移師西夏而勇智俱廢敗潰隨之豈非貪

小利迷遠圖而然况所得不償所亡利果安在哉同時諸

將撫綏邊圉若迂魯忠勤不伐鏗軫高情雅韻鐸魯幹雖

廉不逮蕭惠而無邀功啓釁之罪亦庶乎君子之風矣

列傳第二十三

列傳第二十四

元開府儀同三司上柱國前中書右丞相監修國史

耶律化哥字弘隱孟父楚國王之後善騎射乾亨初為北

院林牙統和四年南侵宋化哥擒謀者知敵由海路來襲

即先據平州要地事平拜上京留守遷北院大王十六年

復侵宋為先鋒破敵于遂城以功遷南院大王尋改北院

樞密使開泰元年代阻卜阻卜棄輜重遁走俘獲甚多帝

嘉之封函王後邊吏奏自化哥還闕糧乏馬弱勢不可守

上復遣化哥經略西境化哥與邊將深入聞蕃部逆命居

嘉靖八年刊

翼只水化哥徐以兵進敵望風奔潰獲羊馬及輜重路由
白拔烈遇阿薩蘭回鶻掠之都監裏里繼至謂化哥曰君
誤矣此部實効順者化哥悉還所俘諸蕃由此不附上使
案之削王爵以待中遙領大同軍節度使卒
耶律幹臘字斯寧奚迭刺部人趨捷有力善騎射保寧初
補護衛車駕獵頡山適豪猪伏叢莽帝射中猪突出御者
托滿捨轡而避廐人鶴骨翼之幹臘復射而斃帝嘉賞及
獵赤山適奔鹿奮角突前路隘不容避垂犯蹕幹臘以身
當之鹿觸而顛帝謂曰朕因獵兩瀕于危賴卿以免始見
爾心遷護衛太保從樞密使耶律斜軫破宋將楊繼業軍

于山西統和十二年秋為行軍都監從都部署奚王和朔
奴伐兀惹烏昭度數月至其城昭度請降和朔奴利其俘
掠令四面急攻昭度率衆死守隨方捍禦依埤堦虛構戰
棚誘我軍登陴俄撤支柱登者盡覆和朔奴知不能下欲
退蕭恒德謂師久無功何以藉口若深入大涼猶勝空逐
幹臘曰深入恐所得不償所損恒德不從略地東南循高
麗北鄙還道遠糧絕人馬多死詔奪諸將官惟幹臘以前
議得免尋加同政事門下平章事為東京留守開泰中卒
耶律速撒字阿敏性忠直簡毅練武事應曆初為侍從累
遷突呂不部節度使歷霸濟祥順聖五州都總管俄為敦

陸官太師保寧三年改九部都詳穩四年伐党項屢立戰
功手詔勞之統和初皇太后稱制西邊甫定速撒務安集
諸蕃利害輒具以聞太后益信任之凡臨戎與士卒同甘
苦所獲均賜將校賞順討逆威信大振在邊二十年卒
蕭阿魯帶字乙辛隱烏隗部人父女古仕至紉詳穩阿魯
帶少習騎射曉兵法清寧間始仕累遷本部司徒改烏古
敵烈統軍都監大安七年遷山北副部署九年達理得拔
思母二部來侵率兵擊却之達理得復劫牛羊去阿魯帶
引兵追及盡獲所掠斬渠帥數人是冬達理得等以三百
餘人梗邊復戰却之斬首二百餘級加金吾衛上將軍封

蘭陵縣公壽隆元年第功加同中書門下平章事進爵郡
公改西北路招討使乾統三年坐留宋俘當遣還者為奴
免官後被徵以老疾致仕卒
耶律那也字移斯輦夷离董蒲古只之後父斡常為北剋
從伐夏戰歿季父趙三始為宿直官累遷至北面林牙咸
雍四年拜北院大王改西南面招討使大康中西北諸部
擾邊議欲往討帝以為非趙三不可遂拜西北路招討使
兼行軍都統平之以功復為北院大王那也敦厚才敏上
以其父斡死王事九歲加諸衛小將軍為題里司徒尋召
為宿直官大康三年為進贊剋大安九年為側近嶺節度

使明年冬以兵阻卜長磨古斯叛與招討都監耶律胡台率精騎二千往討破之那也薦胡呂為漢人行宮副部署壽隆元年復討達理板思等有功賜詔褒美改烏古敵烈部統軍使邊境以寧部民乞留詔許再任乾統六年拜中京留守改北院大王瑯那也為人廉介長于理民每有闕訟親數曲直不尚威嚴常曰凡治人本欲分別是非何事迫脅以立名故所至以惠化稱古只之效文補常為壯賊耶律何魯掃古字烏古鄰孟父房之後重熙末補祇候郎君清寧初加安州團練使大康中歷懷德軍節度使奚六部禿里大尉詔與樞密官措畫東北邊事改左護衛大保

侍上言多率易察無他賜以故上優貸之八年知西北路招討使事時邊部耶都刮等來侵何魯掃古誘北阻卜酋豪磨古斯攻之俘獲甚衆以功加左僕射復討耶親刮等誤擊磨古斯北阻卜由是叛命遣都監張九討之不克二室韋與六院部特滿群牧官分等軍俱陷于敵何魯掃古不以實聞坐是削官決以大杖壽隆間累遷揚陰兼侍中賜保節功臣道宗崩與宰相耶律儼總山陵事統中致仕卒

耶律世良小字韓六院部人才敏給練達國朝典故及世譜上書與族弟敵死爭嫡庶帝始識之時北院樞密使韓

德讓病帝問孰可代卿德讓曰世良可北院大王耶律室
魯復問北院之選德讓曰無出世良統和末命北院大王
開泰初因大冊禮加檢校太尉同政事門下平章事時邊
部拒命詔北院樞密使耶律化哥將兵以世良為都監往
禦之明年化哥還將罷兵世良上書曰化哥以為無事而
還不思師老糧乏敵入已去焉能久守若益兵可克也帝
即命化哥益兵與世良追之至安貞河大破而還自是邊
境以寧以功王岐拜北院樞密使三年命選馬馳于烏古
部會敵烈部人夷刺殺其酋長稍瓦而叛鄰部皆應攻陷
巨毋古城世良率兵壓境遣人招之降數部各復故地四
年伐高麗為副部署都統劉愼行逗留失期執還京師世
良獨進兵明年至北都護府破追兵于郭州以暴疾卒
論曰大之懷小也以德制之也以威德不足懷威不足制
而欲服人也難矣化哥利俘獲而諸蕃不附何魯掃古誤
擊磨古斯而阻卜叛命是皆喜於一旦之功而不圖後日
之患庸何議焉若幹臘之戒深入速撤之務安集亦鐵中
之錚錚者邪

列傳第二十四



编码错误 应“辽史九十五”

以實中京因家于大定曾祖忠禮質使父信興中主簿公
鼎幼莊愿長而好學咸雍十年登進士第調潘州觀察判
官時遼東雨水傷稼北樞密院大發瀕河丁壯以完隄防
有司承令峻急公鼎獨曰邊障甫寧大興役事非利國便
農之道乃疏奏其事朝廷從之罷役水亦不為災瀕河千
里人莫不悅改良鄉令省徭役務農桑建孔子廟學部民
服化累遷興國軍節度副使時有隸鷹坊者以羅罽為名
擾害田里歲久民不堪公鼎言于上即命禁戢會公鼎造
朝大臣諭上嘉納之意公鼎曰一郡獲安誠為大幸他郡
如此者衆願均其賜于天下從之徙長春州魏京都

以大杖降同簽南京留守事遙授靜江軍節度使歷群牧
都林牙累遷右夷離畢以才幹見任使會車駕西征元昊
乞降帝以前後反覆遣滴冽往覘誠否因為元昊陳述禍
福聽命乃還拜北院樞密副使出為中京留守十九年改
西京留守卒

耶律適祿字撒懶清寧初為本班郎君稍遷宿直官乾統
中從伐阻卜有功加奉宸歷護衛太保改弘義官副使時
上京梟賊趙鍾哥跋扈自肆適祿擒之加泰州觀察使為
達魯斡部節度使天慶中知興中府加金吾衛上將軍為
盜所殺

耶律陳家奴字綿辛懿祖弟葛刺之八世孫重熙中補牌
印郎君坐直日不至降本班會帝獵陳家奴逐鹿園內鞭
之二百時耶律仁先薦陳家奴捷比海東青鵠授御盞
郎君歷鷹坊尚廐四方館副使改徒魯古皮室詳穩會大
后生辰進詩獻馴鹿太后嘉獎賜珠二珠雜綵二百段兄
撒鉢卒陳家奴聞訃不告而去帝怒鞭之清寧初累遷右
夷島畢適帝與燕國王射鹿俱中王時年九歲帝悅陳家
奴應制進詩帝喜解衣以賜後皇太子廢帝疑陳家奴黨
附罷之時西北諸部寇邊以陳家奴爲烏古部節度使行
軍都監賜甲一屬馬一疋討諸部擒其酋送于朝偵候者

見馬蹤意寇至陳家奴遣報元帥耶律愛奴視之曰此野
馬也將出獵賊至愛奴戰歿有司詰案陳家奴不伏詔釋
之由是感激每事竭力後諸部復來侵陳家奴率兵三往
皆克邊境遂寧以老告歸不從道宗崩爲山陵使致仕年
八十卒

耶律特麼季父房之後重熙間爲北剋累遷六部禿里太
尉大安四年爲倒撻嶺節度使頃之爲禁軍都監是冬討
磨古斯斬首二千餘級十年復討之旣捷授南院宣徽使
壽隆元年爲北院大王四年知黃龍府事薨

耶律仙童仲父房之後重熙初爲宿直官累遷揚隱都監

以寬厚稱蒲奴里叛仙童爲五國節度使率師討之擒其帥陶得里又擊烏隗叛降其衆改彰國軍節度使拜北院大王清寧二年知黃龍府事遷侍衛親軍馬步軍都指揮歷忠順武定二軍節度使致仕封蔣國公咸雍初徙封許國卒

蕭素颯字特免五院部人重熙間始仕累遷北院承旨彰愍宮使清寧初歷左皮室詳穩右夷裔畢咸雍五年割阿里部叛素颯討降之率其酋長來朝帝嘉其功徙北院林牙改南院副部署卒子謀魯幹字回璉初補夷裔畢郎君遷文班太保大康中改南京統軍使爲右夷裔畢與樞密

使耶律阿思論事不合見忌出爲馬群太保北部來侵魯幹破之以功遷同知烏古敵烈統軍仍許便宜行事後以讒毀降領西北路戍軍復爲馬群大保卒

耶律大悲奴字休堅王子班聶里古之後大康中歷末興延昌宮使右皮室詳穩會阻卜叛奉詔招降之壽隆二年拜殿前都點檢乾統初歷上京留守惕隱復爲都點檢改西南面招討使請老不許天慶中留守上京領北南樞密院點檢中丞諸司等事以彰國軍節度使致仕卒大悲奴舉止馴雅好禮儀爲時人所稱

論曰遼自神冊而降席富彊之勢內修法度外事征伐一

時將帥震揚威靈風行電掃討西夏征党項破阻卜平敵
 烈諸部震懾聞鼙鼓而膽落股弁斯可謂雄武之國矣其
 戰勝攻取必有奇謀秘計神變莫測者將前史所載未足
 以發之邪抑天之所授衆莫與爭而能然耶雖然兵者凶
 器可戢而不可玩爭者末節可遏而不可召此黃石公所
 謂柔能制剛弱能制彊也又况乎仁者之無敵哉遠之君
 臣智足守此金人果能乘其敝而躡其後乎是以於耶律
 弘古輩諸將不能無慨然也

列傳第二十五



